

臨證指南醫案

證指南醫案目

卷九

調經

淋帶

崩漏

胎前

產後

癥瘕

熱入血室

臨證指南醫案卷九

濟關李大瞻論

古吳葉桂天士先生著 錫山華南山岫雲全較

娃 旦玉堂

調經

愁鬱氣
血滯

張九經先期色變膚臃刺痛無定所晨泄不爽利從來不
生育由情懷少歡悅多愁悶鬱則周行之氣血不通而
脉絡間亦致間斷家痺例以通劑

川芎 當歸 肉桂 生艾 小茴

後期
辨傷久
嗽肺氣
虛

茯苓

生香附

南山楂

益母膏丸

姚二久嗽背寒晨汗右卧咳甚經事日遲脉如數而虛穀

減不欲食此情志鬱傷延成損怯非清寒肺藥所宜

黃芪

桂枝

白芍

炙草

南棗

飴糖

肺爲氣出入之道內有所傷五臟之邪上逆於肺則咳嗽此則久嗽背寒晨汗全是肺氣受傷而經事日遲不但氣血不流行血枯肝閉可想而知脉數虛火也虛則不可以清寒况穀減不欲食中氣之餒已甚可復以苦寒損胃乎與黃芪建中損其肺者益其氣

肝犯胃

而桂枝白芍非斂陰和血之妙品乎

秦一氣衝心痛嘔涎氣墜小腹爲瀉經來後期其色或淡

或紫病在衝脈從厥陰陽明兩治

川連

小茴

川棟子

歸尾

炒牛夏

茯苓

桂枝

橘紅

傷肝

華三

鬱傷肝脾是因懷抱不暢致氣血不和逍遙散減白

朮加山查香附不欲其守中務在宣通氣血耳今經來

日遲鬱痺宜通而氣弱不主統血况春深泄氣之候必

佐益氣之屬方爲合法 歸脾湯

又 向有鬱傷肝脾用逍遙散歸脾湯甚合今因動怒少

腹氣衝過胃上膈咽喉腫痺四肢逆冷遂令昏迷此皆
肝木拂逆甚則爲厥夫肝臟相火內寄病來迅速皆動
極之徵爲肝用太過宜制其用前此芪朮守補不可用
矣安胃理中丸去黃柏細辛

錢

脈濇腕悶減食經水來遲腹痛墜

柴胡

炒白芍

黃芩

鬱金

香附

茯苓

蘇梗

神麴

又

諸恙未減腹但痛不墜

逍遙散去白朮甘草加鬱

金香附神麴

許

十經閉寒熱便澹腹痛加味道遙散去山梔

血氣滯
熱厥厥

其 血虛內熱經不至 加味道遙散去木

其 經遲腹痛風疹絡血不寧久鬱成熱法當通利

涼膈去芒梢加丹皮赤芍

奇脉虛
寒滯

孫九 奇脉下損經遲腹痛先用當歸建中湯續商八脉治

法 歸建中湯

又 久嗽遇勞寒熱 歸芪建中去薑

謝十 能食不運痲泄經事愆期少腹中乾澀而痛下焦痲痺衝心嘔逆腹鳴心熱八脉奇經交病

人參

茯苓

艾葉

製香附

淡菴蓉

煨骨脂

肉桂

當歸

鹿角霜

小茴香

紫石英

益母膏丸

王三脉右緩左瀉。經水色淡後期。嘔吐痰水食物。畢姻三載餘不孕。此久鬱疑痰滯氣。移宜宣通。從陽明厥陰立方。

半夏

廣皮

茯苓

厚朴

茅朮

淡吳萸

小香附

山查肉

薑汁法丸

又。三月中。用辛溫宣鬱方。痰痰自下。胸次寬。嘔逆緩。今喜暖食惡寒。經遲至五十餘日。來必色淡且少。議用溫養衝任。栽培生氣方法。八珍去木草地加小茴肉桂。蘄艾香附紫石英河車膠丸。

肝腎虛

朱二經水一月兩至或幾月不來五年來並不孕育下焦

肢體常冷是衝任脈損無有貯蓄煖益腎肝主之

人參

河車膠

熟地

砂仁

歸身

白芍

川芎

香附

茯神

肉桂

艾炭

小茴

紫石英

益母膏丸

衝脈肝

程三
七
十三年不孕育其中幻病非一病人述經期遲至來

期預先三日周身筋骨脈絡牽掣痠楚不得舒展凡女

入月水諸絡之血必彙集血海而下血海者即衝脈也

男子藏精女子繫胞不孕經不調衝脈病也腹爲陰陰

虛生熱肢背爲陽陽虛生寒究竟全是產後不復之虛

損。惑見病治病之悞。有終身不育。淹滯之累。肝血陰虛。木火內寄。古人溫養下焦。必佐涼肝堅陰。勿執經後期。爲氣滯亂投破氣剛藥劫陰。

河車膠 生地 枸杞 沙苑 生杜仲

白薇 山查 黃柏 白花益母草

肝腎高底陰虛

朱 經云。陽維爲病苦寒熱。緣上年冰雪甚少。冬失其藏。

春牛潮濕。地氣升泄。以肝腎血液久虧之質。春生力淺。

八脉隸乎肝腎。一身縱維。八脉乏束固之司。陰弱內熱。

陽微外寒矣。脊脊常痛。經事愆期。血海漸涸。久延虛怯。

情景已露。局方逍遙散固女科聖藥。大意重在肝脾二

經因鬱致損。木土交傷。氣血痺阻。和氣血之中。佐柴胡
微升。以引少陽生氣。上中二焦之鬱。勃可使條暢。今則
入暮病劇。天曉安然。顯是肝腎至陰損傷。八脈不爲約
束。故熱無汗。至陰深遠。古人謂陰病不得有汗也。當宗
仲景甘藥之例。勿取氣辛助陽可矣。

炙甘草

阿膠

細生地

生白芍

麥冬

牡蠣

某 陰虧內熱。經事愆期。

雄烏骨雞

小生地

阿膠

白芍

枸杞

天冬

茯苓

菟藟子

女貞子

桂圓

病經
張三
血滯

右十味用青高汁童便醇酒熬膏加蜜丸

張三
寒熱間日。經來腹痛。

小生地

丹皮

知母

花粉

生鱉甲

澤蘭

某十二先腹痛而後經至。氣滯爲多。晨泄腹鳴。亦脾胃之病。與下焦痕泄則異。

川芎

當歸

香附

煨廣木香

查肉

茯苓

某二寒熱無汗。經先腹痛。喉中燥癢。咳逆。食物不思。此鬱傷氣血。八脉主病。姑先與澤蘭湯。

歸身

澤蘭

丹參

白芍

柏子仁

茯神

周七十室女經水不調。先後非一。來期必先腹痛。較之平日爲重。飲食大減。始於初夏。入秋下焦常冷。腹鳴。忽瀉。忽結。究脉察色。是居室易於鬱怒。肝氣漏橫。胃先受戕。而奇經衝任。嬌維諸脉。皆并胃屬。隸脉不循序流行。氣血日加阻痺。失治必結。癥聚。疹痞之累。

南山查

生香附

延胡

當歸

青皮

三稜

蓬朮

牛膝

川棟子

澤蘭

肉桂

炒小茴

葱白汁丸

顧經來筋掣腹痛。常有心痛乾嘔。此肝氣厥逆。循任督病。務在宣通氣血。以調經。溫燥忌用。自可得效。

川棟 一錢

丹皮 三錢

炒查 二錢

胡蓮 八分

延胡 一錢

澤蘭 二錢

歸身 一錢

生白芍 一錢

又 柏子仁丸

吳 營傷絡脉痛經。

川芎

當歸

香附

小茴

烏藥

茯苓

紅棗

費經水紫黑。來時嘈雜。脉絡收引而痛。經過帶下不斷。形瘦日減。脉來右大左弱。上部火升。下焦冷徹。骨中陰。

陽乖違焉得孕。育閱醫都以補血瀉劑宜乎鮮效。議通
陽攝陰法。

鮑魚

生地

淡從蓉

天冬

當歸

柏子仁

炒山查

牛膝

茯苓

紅棗蘄艾湯法丸

朱
脈數。右肩痛。經不調。經來氣攻。屬皆性躁。氣分有
熱。

細子芩

白芍

黑山梔

釣藤

茯苓

當歸鬚

香附

羌蔚子

桑枝

李

酸。滴入裏。氣血呆鈍。痛自心胸。脹及少腹。昔經行三

定驗氣
血帶

日。今四日猶未已。爲凝滯所致。痛脹何疑。讀內經遺意。以辛勝酸主治。但辛氣最易入表。當求其宣絡者宜之。

韭白汁

桃仁

延胡

小茴

當歸鬚

川棟子

經閉
木火鬱
熱

王三入苦辛泄降。胸脘脹悶已舒。此嗽血皆肝胆氣火上逆。

必經來可安。

南山查

桃仁

黑山梔

丹皮

橘葉

降香末

老韭白汁

胃陰虛

朱當節令呵欠煩倦。秋深進食。微有惡心。病起至今。月

事不來。夫衝任血海皆屬陽明。主司見症胃弱。此陰柔

膩滯當停以理胃陽爲務

人參

半夏麴

廣皮白

茯苓

生益智仁 煨薑

脾胃弱
虛

某 脉數形疲咳。經閉半年。已經食減。便溏浮腫。無清嗽

通經之理。扶持中土。望其加穀。四君子湯

明此病不
通

某三六經閉兩月。腕痺嘔惡。此氣窒不宜。胃陽碍鈍使然。當

用和中爲主。

半夏麴

老蘇梗

茯苓

廣皮

枳殼

川斛

濕滯腹
痛

某 夏今寒熱。經阻。少腹痛脹。血結洞瀉不爽。乃內傷氣

血不和兼有時令濕邪

茯苓皮

三錢

大腹皮

一錢

生益智

一錢

厚朴

一錢

蓬莪朮

五分

青皮子

五分

炒研

又服五劑後氣已畧平

葱白丸

用生蘆艾

三分

紅棗

十五枚

煎清湯送

氣滯濕
凝腫脹

某

脉數經閉腹脹足腫

茯苓皮

大腹皮

青皮

小香附

延胡

炒山查

羌蔚子

炒砂仁

顛 經停四月腹滿尻髀足肢盡腫食納脹悶不化大便

溇瀉不實。女科認爲胎氣恐未必然。方書謂先經斷而

後腫脹者治在血分

生白朮

厚朴

大腹皮

羌蔚子

椒目

小黑稽豆皮

傅

大凡痞滿在氣。燥實在血。腹脹經水仍來。大便微溏。

固是氣分病也。下之暫愈。氣得泄也。繼而腹脹。經水不來。氣與血俱病也。病非輕渺。議中滿分消方法。

生於朮

猪苓

澤瀉

椒目

雞內金

青皮汁

厚朴

鄒十入腰已下腫。經閉四月。腹痛瀉不爽。議開大陽導其氣。
阻水濕。

牡蠣

澤瀉

猪苓

茯苓

生白朮

防己

厚朴

覆白

何

經阻腹滿瀉後變痢

小溫中丸

氣血虛
滯寒濕

王三

居經三月痞悶膨脹無妊脈發現詢知勞碌致病必

屬脾胃陽傷中氣愈餒衝脈乏血貯注洵有諸矣

大腹皮

牛夏

老蘇梗

橘紅

炒山查

芫蔚子

又

經停腹滿便秘

郁李仁

冬葵子

柏子仁

當歸

鮮杜牛膝

氣滯血
滯

王九

服阿魏丸高突已平痛未全止經閉已有十餘月腹

微膨全屬氣血凝滯若不經通病何以去。

川芎

當歸

延胡

桃仁

查肉

香附

青皮

牛膝

益母膏丸

石二入用必府木諸厥皆厥陰心痛便燥氣痺血枯乃勞
怒精志不遂起見。

枳仁

菴歸鬚

炒延胡

生香附

芫蔚子

南山查

又辛潤氣藥病減血虛氣滯當以調經爲要見病理病
爲非

桃仁

當歸

山查

芫蔚子

澤蘭

柏子仁

其二心下有形不飢經水澆少漸閉由氣滯漸至血結左
右隧道不行大便堅秘不爽當與通竅

炒桃仁

炒五靈脂

延胡

蘇枏

生香附

木香汁

半夏

薑汁

姚

經閉一年腹漸大恐延血盡沉疴况聚瘕日久形寒

跗腫議用大針砂丸每服一錢二分六服

金

面無華色脉右弦左瀉經阻三月衝氣攻左脇而痛

腹時脹滿足跗腫是血盛症勿得小視。

桂枝

茯苓

澤瀉

牡蠣

金鈴子 延胡

吳九經阻兩載。少腹堅硬大便不爽。不時咯出紫血塊。此屬血蠱之象。

鮮生地汁五錢 熟大黃半錢 尋桂心五分 老生薑渣

炒桃仁三錢 郁李仁半錢 四服

某 經閉腹脹漸成蠱

香附 木香 青皮 烏藥 赤芍

五靈脂 延胡 當歸 鬱金

王十二脈右虛左虛。並數腹痛。胸痺咽阻。冷汗。周身刺痛。寒慄。此屬內損。有經閉成勞之事。桂枝湯加茯苓

又 照前方加當歸肉桂

又 內損情懷少暢非偏寒偏熱可以攻病方中溫養氣血。以使條達。非因寒投熱之謂。開懷安養為宜。勿徒恃藥。繼此可進養營法。歸桂枝去薑加茯苓。

潘二經水不來少腹刺痛鳴脹大便不爽心中熱痛食辛辣及酒其病更甚不敢通經姑與甘緩甘麥大棗湯某 陽升風動眩暈心悸鼻衄經停兩月

生地 阿膠 麥冬 白芍

柏子仁 棗仁 茯神 炙草

顧八病起經阻形容日瘦嘈雜飢心腹常熱此乃悲悅

鬱勞虛

虛勞

虛勞

離愁內損而成勞。陰臟受傷。腸脉不流。難治之症。必得
怡悅情懷。經來可挽。但通經敗血。斷不可用。

生地

人參

茯苓

沉香汁

琥珀末

入

陳 自經阻寒熱。延及浮腫腹膨。小溲日少。入暮心腹中
熱。此臟陰已涸。腑陽日痺。內因悒鬱成勞。情志爲病。當
收肅司令。而病日加增。料難入冬。無成法可遵。勉擬回
生丹。每次服牛丸。冀通其壅痺氣血。漫言治病也。

徐二經水久不來。寒熱喉痛痺。鬱勞藥難取效。

清阿膠丸。雞子黃湯送。

董 脉數色奪。久嗽經閉。寒從背起。熱過無汗。此非瘧邪。

血痺成勞

臨證指南醫案

卷九

調經

三

由乎陰陽並損。營衛循行失其常度。經云陽維爲病苦寒熱矣。症屬血痺成勞爲難治。痺阻氣分務宜宣通。

生鹿角

川桂枝木

當歸

茯苓

炙草

薑

棗

身回生丹

二服

陰虛肝風動乾血勞

仲三先因經阻。繼以五心煩熱。咳吐涎沫。食減微嘔。面腫色瘁。乃肝陽化風。旋動不息。乾血勞病。醫治無益。

阿膠

生地

麥冬

牡蠣

小麥

營虛乾血勞

王面色皸白。脈來細促。久嗽不已。減食腹痛便澀。經閉牛載。此三焦臟真皆損。乾血勞怯之病。極難調治。俗醫見嗽見熱。多投清肺寒涼。生氣斷盡。何以挽回。

歸建中湯去薑

尼七少年形色衰奪。側眠咳血。天柱骨垂。經水已閉。皆不治見症。歸建中湯去薑。

某脉弱無力。發熱汗出。久咳形冷。減食過牛。顯然內損。成勞大忌寒涼清熱治嗽。姑與建中法。冀得加穀經行。猶可調攝。

桂枝

五分

生白芍

一錢

炙草

五分

棗肉

三錢

飴糖

二錢

歸身

半錢

程九

乾血勞病。百脉枯槁。漸至危篤。三月間診脉一次。當

面告辭。余非憤憤醫流。不肯因循悞事。

益母丸早晚服二三錢

某 營虛寒熱咳血經閉

當歸 炒白芍 丹參 棗仁 遠志

茯苓 炙草 廣皮 桂圓肉

顧三潮熱經阻脉來弦數營血被寒熱交蒸斷其流行之

機卽爲乾血勞瘵非小恙也

桂枝三分 白芍一錢 阿膠一錢 生地三錢

炙草四分 麥冬半錢 大麻仁錢

朱女冲年天癸未至春陽升動寒熱衄血平昔溺後腰痛

耳目甚聰明先天質薄陰本難充易虧最多倒經之虞

雄烏骨雞 生地 生白芍 茯神 天冬

知母 牛膝 芫蔚子 女貞子 阿膠

諸藥除阿膠用水煎汁二次其烏雞去毛及翅足另
以童便一碗青蒿汁四碗醇酒二碗米醋一碗同煮
再加入前藥汁收膏入阿膠收燉服五錢

張 十七歲天癸不至咳嗽失血乃倒經重症先以順氣
導血

降香末 鬱金 鈎藤 丹皮

蘇子 炒山查 黑山梔

又 震動氣衝咳喘失血

雞子黃

阿膠

鮮生地

天冬

生白芍

炒牛膝

又 脉細數腹痛管熱經不通

人參

天冬

鮮生地

白芍

丹參

調入琥珀末三分

易曰乾道成男坤道成女女子屬陰以血爲主故女科治法首重調經經常也如潮汐之有信如月之盈虧不愆其期故曰經水又曰月事又曰月信內經云太衝脉盛月事以時下景岳云衝爲五臟六腑之海臟腑之血皆歸衝脉可見衝脉爲月經之本也然血

氣之化由於水穀。水穀盛則血氣亦盛。水穀衰則血氣亦衰。是水穀之海又在陽明。可見衝脈之血又總由陽明水穀所化。而陽明胃氣又爲衝脈之本也。故月經之本所重在衝脈。所重在胃氣。所重在心脾生化之源耳。心主血。脾統血。肝藏血。凡傷心傷脾傷肝者。均能爲經脈之病。內經曰。一陽之病發心脾。有不得隱曲。女子不月。其傳爲風消。其傳爲息賁者。死不治。不得隱曲。言情欲不遂而病發心脾也。風消者。發熱消瘦。胃主肌肉也。息賁者。喘息上奔。胃氣上逆也。此雖言病發心脾。而實重在胃氣。因心爲胃之母。胃

爲脾之腑也。內經又曰：有病胸脇支滿者，妨於食，病至則先聞腥臊臭，出清液，先唾血，四支清，目眩，時時前後血，病名血枯。此得之年少時，有所大脫血，若醉入房中，氣竭肝傷，故月事衰少不來也。治之以四烏鯁骨、一蘆茹二物并合之。九以雀卵大如小豆，以五丸爲後飯，飲以鮑魚汁，利腸中，及傷肝也。此段經支全重在氣竭肝傷四字，爲通節之綱旨。胸脇肝部也，支滿肝病也，妨於食，木邪凌土也，病則先聞腥臊臭，脾喜芳香，今脾土爲木邪凌虐，病則先聞腥臊，乃脾之旺氣也。出清液，脾虛不能敷化水精也。先唾血，脾

傷不能統運營血也。四肢清陽衰不能傍達四末也。目眩陽不充而水上溢於經也。前後血陰受傷而血內溢於絡也。血枯內有乾血。血不歸經而結胞門也。良由年少不禁氣竭肝傷而致。月事衰少或不來也。治以烏鰂骨四分。取其味鹹走腎。性溫達肝。配以鹿茹一分。取其辛散內風。溫去惡血。二物并合。功專破宿生新。丸以雀卵。取其溫補助陽。能調子臟精血。以五丸爲後飯者。先藥後飯。使藥徐行下焦。力貴專功。五丸不爲少也。飲以鮑魚汁。利腸垢。和肝傷。取其臭穢之味。佐烏鰂骨而辟宿積之血也。金匱要畧言調

經之法甚詳。後世如王節齋、薛立齋諸賢論症透徹。用方精切。俱可爲程式。茲不具贅。今觀葉先生案。奇經八脈。固屬扼要。其次最重調肝。因女子以肝爲先天。陰性凝結。易於拂鬱。鬱則氣滯。血亦滯。木病必妨土。故次重脾胃。餘則血虛者養之。血熱者涼之。血瘀者通之。氣滯者疎之。氣弱者補之。其不治之症。直言以告之。誠一代之良工。女科之明鑑。學者當奉爲典型。更能參考內經仲景及諸賢案論。自然學業日進。登峯造極矣。

秦天一

淋帶

某 温邪劫陰。帶下火升。胸痞脈小數。

生地

阿膠

牡蠣

川斛

小麥

茯神

某 陽明脈虛。手麻足冷。身動帶下。如注。用通攝方。

人參

桂枝木

桑螵蛸

生杜仲

歸身

茯苓

又 胸中似冷。熱飲乃爽。照前方去杜仲。加白芍炮薑。

陳七 色蒼脈數。是陰不足。心中泛泛。即頭暈腹痛。經水仍

風陽乘土

男症

温邪傷陰

來兼有帶下。肝陽內擾。風木乘土。法當酸以和陽。鹹苦
堅陰。

生白芍

細生地

清阿膠

牡蠣

檮根皮

黃柏

又

烏骨雞

生地

阿膠

牡蠣

天冬

白芍

白薇

杜仲

川斷

湖蓮

血虛脈
絡滯痛

蔣帶下不止。少腹內踝連痛。至不能伸縮。絡脈不宣。最
有結瘕綿纏。不可不慮。醫云肝氣。豈有是理。

桂枝

生沙苑

遠志

當歸

鹿角霜

杞子

茯苓

按風

翼

帶淋日久。脂液垂涸。奇脈俱傷。營衛亦偏。內風自動。則中焦氣毒。浮腫腹膨。爲寒爲熱矣。暫以鹹緩和陰。

阿膠

牡蠣

菴蓉

柏子霜

郁李仁

袁

舌光赤頭脹身熱。帶下如注。此五液走泄。陽浮熱蒸。

當用攝劑。若與鹿角霜沙苑。仍是升舉動陽。則無效矣。

熟地炭

阿膠

芡實

茯神

湖蓮肉

炒山藥

又

照前方去阿膠。山藥加桑螵蛸。萸肉炭。

吳

崩帶淋漓。陰從下走。暈厥汗出。陽從上冒。逢穀雨暴。

凶。身中陰陽不相接續。怕延虛脫。戌亥時爲劇。肝腎病。

婦科

淋帶

六

治。

人參

阿膠

生龍骨

生牡蠣

五味

茯苓

又 血液去則臟陰失守。神不內附。致目中妄見。非鬼祟

也。當先鎮陽神爲主。若驟用陰藥。則有妨胃納矣。

人參

龍骨

五味

茯苓

芡實

建蓮肉

又 淋帶黃白未淨。五更心悸汗出。

人參

炒枸杞

五味

茯苓

芡實

湖蓮肉

守
某五。尿左細前用通補。據述痛起得按痛緩。八脉空虚。昭然。捨此補養。恐反增劇矣。

當歸

烏賊骨

紫石英

杜仲

杞子

柏子仁

沙苑

茯神

某女科病。多倍於男子。而胎產調經爲主要。淋帶痕泄。奇脉虚空。腰背脊脊牽掣似墜。而熱氣反升於上。從左而起。女人以肝爲先天也。醫人不曉八脉之理。但指其虛。剛如桂附。柔如地味。皆非奇經治法。先以震靈丹固之。每服一錢五分。

又淋帶痕泄。諸液耗。必陰傷。此參附薑桂劫陰不效。而

膠地陰柔亦不能效。蓋脈隧氣散不攝。陰藥沉降。徒擾其滑耳。必引之收之。固之。震靈丹意。通則達下。瀉則固下。惟其不受。偏寒偏熱。是法效靈矣。後方常用。

人參 一錢

鹿角霜 一錢

沙苑 一錢

桑螵蛸 三錢

炒杞子 一錢

茯神 三錢

炙草 五分

方九

人參

二兩隔紙烘研

麋茸

二兩切烘研

生兔絲子

二兩研

淡補骨脂

一兩半炒

生紫石英

一兩二錢

生餘糧石

一兩二錢

茯苓

一兩半炒

炒黑小茴

五錢

炒黑遠志

五錢

晚服妙香三錢

姚三 自乳血耗。脈絡空豁。脊脊椎脾。痿痺帶下。不已。問下。

部已冷。陰虛及陽速速斷乳。不致延勞。

人參

鹿角霜

枸杞

桑螵蛸殼

杜仲

茯苓

沙苑

白薇

徐^四經漏成帶。下焦畏冷。眩暈。肝臟陽升。八脉空乏。

當歸

炒白芍

炒黑枸杞

杜仲

海螵蛸

炒沙苑

楊^三寡居獨陰。自多愁煩思鬱。加以針毒。目注凝神。陽上
巔爲眩暈。八脉無氣。自帶下下冷。內風日動。癩疹麻木。
常爲隱現。以緩下柔劑和其陰陽。可得小效。

製首烏

三角胡麻

枸杞

甘菊花炭

用紅棗搗丸。早上服四錢。

王二產後漏淋成帶。入暮溺頻不爽。驚恐神呆。骨節盡痛。是肝腎內損。漸及奇經。不可束固。是產後虛在下。甘辛潤補肝腎。不與燥藥。以腎惡燥。肝忌剛也。

枸杞子

炒黑

鹿角霜

歸身

菟絲子

炒香

生杜仲

沙苑子

茯苓

補骨脂

鹽水煎

某

少腹拘急。大便燥艱。淋帶赤白。此屬液涸。

肉蓯蓉

枸杞子

河車

當歸

柏子仁

郁李仁

又

淋帶年久。少腹拘急。脹痛。漉不爽。大便艱澀。得泄氣。

則服寬食物少納。腕中不降。必撫摩始下。此病久。強陰
脈陽皆傷。熱藥難受。以通陽固陰兼之。

早

人參

歸身

炒杞子

茯苓

鹿茸

河車

暮服震靈丹二十粒

帶下者。由濕痰流注於帶脈。而下濁液。故曰帶下。婦
女多有之。赤者屬熱。兼虛兼火治之。白者屬濕。兼虛
兼痰治之。年久不止。補脾腎兼升提。大抵瘦人多火。
肥人多痰。最要分辨白帶白濁白淫三種。三者相似。
而迥然各別。白帶者。時常流出。清冷稠粘。此下元虛
損也。白濁者。濁隨小便而來。渾濁如泔。此胃中濁氣。

滲入膀胱也。白淫者。常在小便之後。而來亦不多。此男精不攝。滑而自出也。至於淋症。由腎虛膀胱積熱所致。腎虛則小便數。膀胱熱則小便滴。淋有氣血砂膏勞五者之殊。皆屬濕熱。氣淋爲病。小便澇滯。常有餘瀝不盡。血淋爲病。遇熱卽發。甚則溺血。痛者爲血淋。不痛者爲尿血。砂淋爲病。陰莖中有砂石而痛。溺不得卒出。砂出痛止是也。膏淋爲病。溺濁如膏。敗精結者爲砂。精結散者爲膏。又遺濁爲鹽之義。勞淋遇勞卽發。痛引氣衝。大約帶病。惟女子有之。淋濁男女俱有。景岳云。婦人淋帶。其因有六一。心旌搖。心火不

靜而帶下者。先當清火。宜硃砂安神丸。清心蓮子飲之類。若無邪火。但心虛帶下。宜秘元煎。人參丸。茯菀丸之類。一慾事過度。滑泄不固而帶下者。宜秘元煎。苓朮兔絲丸。濟生固精丸之類。一人事不暢。精道逆而爲濁爲帶者。初宜威喜丸。久宜固陰煎之類。一濕熱下流而爲濁帶。脉必滑數。煩渴多熱。宜保陰煎。加味逍遙散。若熱甚兼淋而赤者。宜龍胆瀉肝湯。一元氣虛而帶下者。宜壽脾煎。七福飲。十全大補湯。若陽氣虛寒。脉微瀋。腹痛多寒。宜加姜附家韭子丸。一脾腎氣虛。下陷多帶者。宜歸脾湯。補中益氣湯之類。已

上淋帶辨症論治。彷彿已備。語云。鴛鴦綉出從君看。
莫把金針度與人。若求金針暗度。全憑藥案搜尋。
天

崩漏

婦科

徐三

肝脾鬱損血竅

人參道遙散去柴木炙草加桑螵

蛸杜仲

婦科

某

經漏不止久風餐洩

人參

茯苓

木瓜

炒烏梅

赤石脂

餘糧石

婦科

翼

脈數寒熱汗出腹脇痛病起經漏崩淋之後是陰傷

陽乘消渴喜涼飲不可純以外邪論和營衛調中甘緩

主治

當歸

白芍

淮小麥

炙草

南棗

茯神

奇脉虛
血帶

文

五

五

五

五

五

五

五

五

五

五

五

肝暴下之後。黃水綿綿不斷。三年來所服歸脾益氣。但
調脾胃補虛。未嘗齒及奇經爲病。論女科衝脉卽是血
海。今紫黑成塊。幾月一下。必積貯之血。久而瘀濁。有不
得不下之理。此屬奇經絡病。與臟腑無與。考古云。久崩
久帶。宜清宜通。倣此爲法。

柏子仁

細生地

青蒿根

淡黃芩

澤蘭

樗根皮

接服斑龍丸

張一五旬天癸當止。而經淋周身牽掣。右肢漸不能舉。不
但衝任督帶損傷。陽明胃脉衰微。少氣乃最難向安之
病。

人參

生黃芪

炙草

炒沙苑

炒杞子

炒歸身

朱崩漏兩年。先有帶下。始而半月發病。今夏季每交申
酉。其漏必至。思下午爲陽中之陰。陰虛陽動。衝脉任脉
皆動。下無隄防約束。夫奇經肝腎主司爲多。而衝脉隸
於陽明。陽明久虛。脉不固攝。有開無閣矣。醫但以瀉劑
圖旦夕苟安。未及按經論病。宜毫無一效。

海螵蛸

鮑魚

茜草

生菟絲子

石穀廣蓮肉

接服烏賊魚骨丸

虛筋

頤 髓虛崩淋不止筋掣痛不能行

菴蓉

枸杞

柏子仁

茯神

川斛

紫石英

羊內腎

青鹽

虛任陽

成

衝任二脈損傷經漏經年不痊形瘦膚乾畏冷由陰

氣走乎陽位益氣以培生陽濕攝以固下真

人參

鹿角霜

歸身

蘼艾炭

茯神

地黃

紫石英

桂心

虛任陰

張三經漏十二年五液皆涸衝任不用冬令稍安夏季病

加心搖動。腹中熱。腰膝附骨皆熱。此皆枯槁日著。方書謂暴崩宜溫。久崩宜清。以血去陰耗耳。

人參

生地

阿膠

天冬

人乳粉

柏子仁

茯神

棗仁

白芍

知母

九甚

張

固補衝任涼肝寧血丸方

人參

二兩

生地

二兩

阿膠

二兩

白芍

二兩

茯苓

二兩

鮮河車膠

一兩

石殼建蓮肉

四兩

二膠如少可加蒸

熟山藥搗漿爲丸。早服四錢。參湯送。晚服二錢。

沈

天癸當止之年。經來淋漓不斷。乃陰衰陽動。入秋深

夜寐甚少。汗泄四肢胸臆。夫衝脉隸於陽明。其氣行乎

身。前。陽。明。脉。空。陽。越。衛。疎。陰。火。升。舉。當。宗。丹。溪。補。陰。丸。

或。虎。潛。丸。之。屬。久。病。投。湯。太。過。恐。妨。胃。耳。

每。早。服。丹。溪。補。陰。丸。四。錢。

十服

黃。長。齋。有。年。脾。胃。久。虛。瘡。由。四。末。必。犯。中。宮。血。海。隸。於。

陽。明。苦。味。辛。散。皆。傷。胃。系。雖。天。癸。久。絕。病。邪。藥。味。擾。動。

血。絡。是。爲。暴。崩。欲。脫。閱。醫。童。使。阿。膠。味。醎。潤。滑。大。便。溼。

瀉。豈。宜。潤。下。卽。熟。地。五。味。補。飲。陰。液。咽。湯。停。腕。頃。欲。吐。

淨。滋。膩。酸。濁。之。藥。下。焦。未。得。其。益。腕。中。先。已。受。戕。議。以。

仲。景。理。中。湯。血。脫。有。益。氣。之。法。坤。土。陽。和。旋。轉。喜。其。中。

流。砥。柱。倘。得。知。味。純。穀。是。爲。轉。機。重。症。之。尤。勿。得。忽。視。

苦寒辛
散下血中
溫物

理中湯

奇脈不和

某 停經三月。下漏成塊。少腹膨痛。議通和奇脈。

鹿角霜

生杜仲

桂枝木

生沙苑

當歸

茯苓

紅棗

肝腎虧
任虛寒

羅二 病屬下焦。肝腎內損。延及衝任奇脈。遂至經漏淋漓。

腰脊痿弱。脈絡交空。有終身不得孕育之事。

製熟地

砂仁製

河車膠

當歸

白芍

人參

茯苓

於朮

炙草

斷艾炭

香附

小茴

紫石英

夜傷絡
熱風消

陳五 十五旬年歲。經漏如崩。繼以白帶綿綿。昔形充。今瘦損。

當年飲酒濕勝大便久澹。自病經年。便乾不爽。夜熱多汗。四肢皆冷。氣短腹鳴。上噫氣。下泄氣。腰足跗酸。更無力。食物日減。不知其味。此陽明脉衰。厥陰風木由乎血去液傷。衝任交損。內風旋轉而爲風消之象。病在乎絡。故令久延。金匱謂絡熱則痿矣。

人參

黃芪

苦參

茯神

牡蠣

小麥

濾清入參湯收

陰虛陽亢

張 外冷內熱。食過如飢。唇燥裂。渴飲下漏。漏多則陰虛。陽亢便澹不實。不可寒潤。

生地炭

阿膠

炒白芍

湖蓮

樗根皮

茯神

斷艾炭

又 消渴心悸。

阿膠

生雞子黃

生地

天冬

生白芍

茯神

胡

心痛如飢。口吐膩涎濁沫。值經來甚多。因驚動肝陽。

化內風。欲厥之象。治以鹹苦。佐以微辛。使入陰和陽。

阿膠 二錢

牡蠣 三錢

川棟子 一錢

小川連 三錢

川芎 二分

當歸 一錢

又

和陽固陰。諸病大減。因經漏陰傷。陽易浮越。心怔悸。

肢末痛。內風未熄。藥以甘柔。使胃汁日充。則砥柱中流。

矣。

人參

附膠

麥冬

生白芍

炙草

扶神

邱四經漏成帶。年餘醫聚無功。乃衝任督帶交病。古稱久帶久崩。宜清視其體。豐懸與陽氣久虧。與內經血脫方。法。烏鰂魚丸。鮑魚汁丸。

又照前方加阿膠人中白

奇原陰
虛風陽
某經漏三年。診色脉俱奪。面浮跗腫。肌乏華色。納穀日減。便堅不爽。自脊脊腰膝痠楚如墮。入夏以來。形神日羸。思經水必諸路之血。貯於血海而下。其不致崩決淋。

滴者任脉爲之擔任。帶脉爲之約束。剛維屬脉之擁護。督脉以總督其統攝。今者但以衝脉之動而血下。諸脉皆失其司。症固是虛。日餌補陽不應。未達奇經之理耳。考內經於胸脇支滿妨食時時前後血。特製烏鰂丸。鹹味就下。通以濟瀉。更以穢濁氣味爲之導引。同氣相需。後賢謂暴崩暴漏。宜溫宜補。久漏久崩。宜清宜通。正與聖經相符。况乎芪朮皆守。不能入奇脉。無病用之。誠是好藥。藉以調病。焉克有濟。夏之月。大氣正在泄越。脾胃主令。歲氣天和。保之最要。議以早進通陰。以理奇經。午餘天熱氣泄。必加煩倦。隨用清暑益氣之劑。應天之氣。

以扶生生安穩百日。秋牛收肅令行。可望其藏聚氣交。而奇絡漸固。此久損難復。非倖試速功矣。早上湯藥。議以通陰潛陽方法早服。

龜甲心

秋石水長

鹿角霜

真阿膠

柏子霜

生牡蠣

鎖陽

另煎清人參湯入清藥煎

取五十沸

鹿性陽入督脉。龜體陰走任脉。阿膠得濟水沉伏。味鹹色黑。熄肝風。養腎水。柏子芳香滑潤。養血理燥。牡蠣去濕消腫。鹹固下。仲景云。病人腰以下腫者。牡蠣澤瀉湯。鎖陽固下焦之陽氣。乃治八脈之大意。

烏鰂丸方

烏鰂骨四分

米醋炙去甲
另研水飛

蘆茹一分

右爲細末用雀卵量搗爲丸每服三錢用藥前先飲
淡鮑魚湯一小杯爲導引

又 進潛陽頗投但左耳鳴甚腸中亦鳴肝陽內風升動
未息減氣剛用柔 早服

龜甲心

照前製

真阿膠

柏子霜

天冬

女貞實

早蓮草

另煎人參湯二錢加入

清藥內再煎五十餘沸

又 兩進柔潤清補頗投詢知病由乎悲哀煩勞調理向

愈。繼因目病。服苦辛寒散太過。遂經漏淋帶。年前七八
日始淨。今則兩旬而止。此奇脉內乏。前議非誣。據述周
身累現癢疹痞癩。搔癢不寧。想脂液久滲。陰不內營。陽
氣浮越。衛怯少固。客氣外乘。凡六淫客邪。無有不從熱
化。內經以瘡瘍諸病。皆屬於火。然內症爲急。正不必以
肌腠見病爲治。刻下兩三日間。又值經至之期。議進固
脉寶下。佐以東垣瀉陰火意。經至之先用此方。

龜甲心 真阿膠 人參 桑螵蛸 生白龍骨

旱蓮草 茯神 知母 阜上服

又 當經行。周身寒凜。腰痠腹膨。白疹大發。議用固氣和

血方

人參

熟地

阿膠

川芎

當歸

白芍

南山查

蘄艾

早上服

又

經來腹墜腰痠。疹現肌癢。鼻孔耳竅皆然。想陰血下

注。必陽氣鼓動。內風拂起。風非外來。乃陽之化氣耳。昨

因經至。用膠艾四物湯。和補固經。今午診脈。右大而滑。

左小數。中有堅疾如刃之象。洵乎液枯風動。初定烏雞

魚丸當進。其早上湯藥。凡氣味之辛。裁去。雖爲補劑。勿

取動陽耗液也。早上服

人參

生地

天冬

阿膠

生白芍

女貞子 旱蓮膏 地榆 早上服

又 兩日早進清補柔劑。夕用通固下焦衝任。是月經來甚少。起居頗安。與先哲云。暴崩當溫滯。久漏宜宣通。若合符節矣。連次候脈。必小弱爲少安。則知陽動不息。內風必旋。芪朮呆守。歸艾辛溫。守則氣壅。辛則陽動。皆不知變化之旨。坐失機宜耳。余未能久候。焉有經年經月之恙。驟期速愈。故丸藥創自內經七方之一。世多渺忽。實出軒岐秘奧。再議理陰熄風早用。諒不致誤。

擬長夏調理二法

晚服烏鰂丸三錢。晨進養肝陰和陽熄風以安胃蓋

衝脉卽血海。劫於陽明胃脉。乃做經旨立方。

人參 阿膠 白芍 生地 旱蓮膏

女貞子 桑寄生 鹹秋石 細子芩 三角胡麻

藥末膠膏再加熟蜜三兩搗干餘杵丸宜細光早上服四錢小暑至處暑生脉散送

又 此番經後帶下仍有久漏奇脉少固。前案申說已著。九劑端司通攝衝任。恪守定然必效。但外來寒暄易禦。內因勞損難調。余諄諄相告者爲此。

人參 生地 阿膠 白芍 茯神

女貞子 旱蓮膏 小黑稽豆皮 早上服 初十日

又 昨晚煩冗。陽動氣升。頭額震痛。經再下注。更定鎮攝一法。久後亦可備用。

人參

生地

阿膠

龜甲心

生牡蠣

天冬

黑殼建蓮

又 十二日午診。脈仍用初十日早服方法。去穉豆皮。加生牡蠣。

交小暑後。驟熱午後。另煎生脈散。微溫服一次。

盧 停經牛載。雨水節後。忽然暴崩。交春分節血止。黃白淋漓自下。寒則周身拘束。熱時煩燥。口乾。嘔至天明。汗出乃止。寐必身麻如垂行。四肢骨節皆痛。蓋血既大去。

衝任之脈傷損而爲寒爲熱。陰損及乎陽位矣。書云崩中。日久爲白帶。漏下多時。骨髓枯。由脂液蕩盡。致形骸枯槁。延爲療疾矣。天熱氣熾。所當謹慎。

烏賊骨

阿膠

生地

生白芍

茜草

小麥

程

暴冷陽微後崩

附子理中湯

崩如山冢。舉崩言其血之橫決莫制也。漏如漏卮。難塞。言其血之漫無關防也。經云陰在內。陽之守也。氣得之以和。神得之以安。毛髮得之以潤。經脈得之以行。身形之中不可斯瀆。離也。去血過多。則諸病叢生。

矣。原其致病之由。有因衝任不能攝血者。有因肝不藏血者。有因脾不統血者。有因熱在下焦。迫血妄行者。有因元氣大虛。不能收斂其血者。又有瘀血內阻。新血不能歸經而下者。醫者依此類推。做葉氏用筆靈活於崩漏治法。無餘蘊矣。

秦天山

胎前

惡阻
秦七十經停三月。無寒熱。診脈大。係惡阻減食。

細子芩

知母

蘇梗

砂仁

橘紅

當歸

生白芍

方丸

細子芩

三兩

蘇梗

一兩 生研

砂仁

五錢

白芍

一兩 半

熟白朮

二兩

當歸

一兩 半

青葙湯法丸

某

懷妊將三月。肝氣攻衝。脇痛。嘔吐紅痰。

細條芩

生白芍

川棟子

瓜蒌皮

半夏麩

橘紅

竹茹

生薑

肝虛滑胎

程二 殞胎每三月是肝虛

人參

阿膠

當歸

白芍

川芎

桑寄生

熱傷肺陰

錢三九

上年夏產。過月經轉。今經停四箇月。左脈弦滑流動。

乃爲妊娠。此氣急脫痛咳嗽。熱氣上乘。迫肺之徵。形肉日瘦。熱能燥陰。耗氣。謹清金平氣。勿碍於下。

桑葉

川貝

桔梗

廣皮

黑山梔

地骨皮

茯苓

甘草

楊 血液僅僅養胎。春陽升舉。上焦易燥。喉膈心膈。皆液

虧陽元

胃虛咳
逆

鮮生地 茯神 白扁豆 玄參心 川斛

謝 始而熱入陰傷。少腹痛。溺不爽。秋暑再傷。霍亂。纒起。

今不飢不食。全是胃病。况懷妊五月。胎氣正吸脾胃。真氣津液重傷。致令咳逆。

人參 知母 炒麥冬 木瓜

蓮子肉 茯神

熱在陽

金 懷妊五月得熱病。久傷陰液。身中陽氣有升無降。耳

竅失聰。便難艱澀。議用仲景復脈法。以生津液。

炙甘草 人參 生地炭 阿膠

天冬 麥冬 生白芍 麻仁

某 懷妊百日丙丁養胎胎熱從戌亥時升耳前赤癆刺痛當養陰制火

細生地

茯神

生白芍

建蓮

桑葉

鈎藤

脾屬犯

某

脈右虛左弦身麻肢冷胎冲脹悶五六月當脾胃司

胎厥陰內風暗動不飢吞酸全屬中虛

人參

枳殼

半夏

薑汁

桔梗

閃動絡

胡

懷妊六月陽明司胎閃動絡脈環跳痛連腰脊最防

胎氣

歸身

桂枝木

炒杞子

炙草

熱濕土
佳

羊脛骨 白茯苓

某 氣逆壅熱於上。齟腫喉痺。胸悶腹腫。七月太陰司胎。
法宜宣化清上。

川貝 牛蒡子 連翹 蘇梗

杏仁 花粉 菊花 橘紅

熱 氣滯血

汪 娠八月。胎動不安。腕悶不飢。宜涼血調氣。可以安適。

黃芩 知母 橘紅 生白芍

當歸 砂仁

肝風

程 娠八月。形寒氣逆。神煩倦。無寐。乃肝陽乘中之徵。擬
進熄風和陽法。

黃芩

當歸

生白芍

生牡蠣

橘紅

茯神

又 肝風眩暈麻痺少寐

熟首烏

炒黑杞子

白芍

女貞子

茯神

黑穉豆皮

陰 為傷肺

王 先寒後熱。咳哈是春月風溫肺病。風為陽邪。溫漸變

熱。客氣着人。即日時氣。懷妊九月。足少陰腎脈養胎。上

受熱氣。肺痺喘急。消渴胸滿。便溺不爽。皆肺與大腸為

表裏之現症。狀若繪矣。芩歸辛溫。參朮守補。肉桂沉香

辛熱。皆胎前忌用。致大熱煩悶。勢屬危殆。議以清肺之

急潤肺之燥。俾胎得涼則安。去病身安自爲不補之補。古人先治其實。實者邪也。

泡淡黃芩

知母

鮮生地

花粉

阿膠

天冬

又喘熱減半。四肢微冷。腹中不和。胎氣有上冲之處。昨進清潤之方。熱熱有汗。可見辛燥耗血。便是助熱。今煩渴既止。問初病由悲哀驚恐之傷。養肝陰。滋腎液爲治。穩保胎元。病體可調。

復脈去桂。麻薑棗加天冬。知母子芩。

朱脈右瀉小數。左弦促。納食腕脹。常有甘酸濁味。微嘔。

野熟

吐清涎。旬朝始一更衣。仍不通爽。詢知病起清懷抑鬱。由氣鬱化熱。如內經五志過極。皆從火化。就懷妊惡阻。按徐之才。逐月安養。亦在足少陽經。正取清熱養胎。况肝胆相火內寄。非涼劑無以和平。古人治病。以偏救偏。幸勿畏虛以貽患。

金石斛

黑山梔

茯苓

半夏

橘紅

竹茹

枳實

時邪發熱

某

惡阻本欲惡。心厭食。今夾時邪。頭痛身熱。當先清熱。

竹葉

連翹

生甘草

黃芩

花粉

蘇梗

吐瀉

某 交節上吐下瀉。沉胎動不安。脈虛唇白。急用理中法。

附子 人參 於朮 茯苓 白芍

世

周 病中懷妊泄瀉。

焦朮 炒白芍 炒黃芩 炒廣皮

舉邪

金 懷妊若患時症。古人重在保胎。今者喜煖惡寒。升則

厥痛。降微便痛。選腹。暖胎須避絡傷。以及奇脈畏慮胎

墜難挽。辛香溫柔之補。冀其止厥。

鹿角霜 淡菴蓉 炒杞子 柏子仁

當歸 炒沙苑 炒大茴 茯苓

某 固護胎元。諸症俱減。惟心嘈覺甚。陰火上升。營虛之

營虛火

胎前

卷

徵

人參 桑寄生 熟地 阿膠 絲綿灰

條芩 白芍 當歸 茯苓 香附

某 懷妊痢滯半月。胃陰既虧。陽氣上逆。咽中阻。飲水欲
噦。舌尖紅赤。津液已耗。燥補燥劫。恐陰愈傷。而胎元不
保。議益胃和陽生津治之。

熟地 烏梅 白芍 山藥

建蓮 茯苓 用川石斛煎湯代水

潘 熱邪傷 血液護胎。尚且不固。心中如飢空洞。食不能納。况又
戰慄嘔逆。凡內外搖動。都是動胎。從來有胎而病外感。

麻桂硝黃等劑必加四物是治病保胎第一要法

小生地

白芍

阿膠

知母

黃芩

青蒿梗

熱邪下痢膿血

王

臨月下痢膿血色紫形濃熱伏陰分議用白頭翁湯

又

苦味見效知溫熱動血以小其製爲劑可全功矣

黃芩

黃柏

炒銀花

炒山查

茯苓

澤瀉

胎漏

某

胎漏鼻衄發疹而喘

淡黃芩

真阿膠

青芩

觸胎下血

某

觸胎下血腹痛而墜

人參

炒白芍

炙草

廣皮

熟地炭

炒砂仁末

加紋銀一二兩青葙二兩

又

照前方去熟地加炮薑熟木

又

人參

熟地

炒歸身

炒白芍

炙草

茯神

廣皮

炒砂仁

陸

十形瘦脈數尺動不食惡心証象惡阻腰痛見紅爲胎

漏欲墜

青葙

二錢

建蓮

五錢

紋銀

一兩

砂仁

七分

白糯米

一錢

某

三月胎漏用固下益氣

人參

熟木

熟地

阿膠

下
頑胎

白芍

炙草

砂仁

艾炭

華

血下殞胎未下。濁氣擾動。暈厥嘔逆。腹滿。小腹硬。二

便窒塞不通。此皆有形有質之阻。若不急爲攻治。濁瘀
上胃。必致敗壞。倣子和玉燭散意。

川芎

當歸

芒硝

羌蔚子

大腹皮

青皮

黑豆皮

調回生丹

子
腫

程

懷妊八月。子腫腹漸墜。正氣虛弱。補劑必須理氣。預

爲臨產之算。

人參

茯苓

廣皮

大腹皮

蘇梗

砂仁末

易曰大哉乾元萬物資始。此言氣之始也。又曰至哉坤元萬物資生。此言形之始也。人得父母之氣以生氣生形。卽稟此乾坤之氣也。兩儀既兆。五行斯彰。故天一生水。水屬腎。腎臟先生。地二生火。火屬心。心又次生。天三生木。木屬肝。肝又次生。地四生金。金屬肺。肺又次生。天五生土。土屬脾。脾又次生。天既以五行生五臟。而仁義禮智信之五德。亦卽寓於其中。朱夫子所云。天以陰陽五行化生萬物。氣以成形。而理亦賦焉。此之謂也。因此古人重胎教。所以端其本也。而今不復講矣。然六淫之感。七情之傷。婦稟氣有強。

弱小兒胎元有帶躁故安胎之法不可不。如惡阻
胎淋胎暈胎腫胎懸及漏胎等症古人言之甚晰茲
不具贅今閱葉先生案胎前大約以涼血順氣爲主
而肝脾胃三經尤爲所重因肝藏血血以護胎肝血
失榮胎無以蔭矣肝主升肝氣橫逆胎亦上衝矣胎
氣繫於脾如寄生之托於苞桑烏與女蘿之施於松
栢脾氣過虛胎無所附墮滑難免矣至於胃爲水穀
之海妊婦全賴水穀之精華以養身護胎故胃氣如
兵家之餉道不容一刻稍緩也其餘有邪則去邪有
火則治火陰虛則清滋陽虛則溫補隨機應變無所

執着學者，更能引而伸之，觸類而通之，安胎之法，可一以貫之，無餘蘊矣。秦天

產後

欽

初產汗出眩暈胸痞腹痛宜通惡露

炒山查

延胡

鬱金

赤芍

炒牛膝

香附

童便沖

益母草湯代水

又

腹痛少緩但胸痞痰多治從上焦

炒山查

鬱金

丹參

橘紅

炒川貝

甜花粉

程

衝脉爲病男子內結疝女子帶下瘕聚故奇脉之

結實者古人必用苦辛和芳香以通脉絡其虛者必辛

經書

新產

甘溫補佐以流行脈絡移在氣血調和病必全愈今產後體虛兼瘀而痛法當益體攻病日期已多緩治爲宜

生地

生薑

丹皮

琥珀末

調入

又 此苦辛偶方加丹皮以通外琥珀以通內所以取效

又 回生丹

取乎醋煮大黃一味約以病所不礙無

病之所故亦效二法皆入絡藥。

又

小生地

歸鬚

紅花

郁李仁

柏子仁

茯神

又照前方去紅花郁李仁加澤蘭

某二

惡露淋漓痛由腰起攻及少腹此督帶空虛奇經氣

阻奚疑奇經爲病通因一法爲古聖賢之定例

當歸

查肉灰

炒丹皮

澤蘭

川斷

製首烏

唐 產後驟脫。參附急救。是挽陽固氣方法。但損在陰分。

其頭痛汗出煩渴。乃陽氣上冒。凡開泄則傷陽。辛熱則傷陰。俱非新產鬱冒之治道。嘗讀仲景書。明本草意。爲是擬方於後。亦非杜撰也。

生左牡蠣

錢一 細生地

錢二 上阿膠

錢一 炒黑查肉

芫蔚子

牛一錢

吳

新產陰氣下泄。陽氣上冒。日晡至戌亥。陽明胃衰。厥

陰肝傾。肝血無藏。氣衝擾。瀰致心下格拒。氣于膈中。神

亂昏譫若惡露衝心則死矣。焉有天明再醒之理。回生丹酸苦直達下焦血分用過不應諒非瘀痺想初由汗淋發熱凡外感風邪滯汗解。此熱昏亂卽仲景之新產鬱冒也。倘失治必四肢牽掣如驚似風癇則危。議從亡陽汗出譫語例用救逆法。

生龍骨

三錢

生牡蠣

三錢

桂枝

五分

淮小麥

百粒

炙甘草

三分

南棗

二錢

又氣從湧泉小腹中直冲胸臆而心下痛。巔暈神迷。此肝腎內怯無以收納自固。勿假寐必魂魄飛越。驚恐畏懼。非止一端。救逆法鎮陽頗應。但少補虛寧神益之固。

之耳

人參 二錢

龍齒 三錢
搗

棗仁 三錢

茯神 三錢

炒黑杞子 二錢

黑殼建蓮肉 五錢

用紫石英一兩搗碎

水三盞煎減半用以煎藥

又 兩法皆效。下元虛損無疑。八脉無氣把握。帶下淋漓。不止。夢魂跌仆。正經旨下虛則夢墜也。議鎮固奇脉方。

人參 二錢

龍齒 三錢

棗仁 三錢

茯神 三錢

桑螵蛸 錢 灸 二

炒黑遠志 五分

用紫石英煎湯煎藥

又 昨午憂悲嗔怒。大便後。陡然頭暈。繼以嘔逆。胸痞止。心洞嘈雜。仍不能食。子夜寒戰鼓慄。寅刻津津微熱。神

昏妄見顛痛乳脹。腹鳴短氣呵欠。似乎歎息之聲。此乃下元根蒂未堅。偶觸心機。諸陽神飛旋動舞。仲景論先厥後熱。知飢不能食。乾嘔。列於厥陰篇中。蓋危病初效。未沾水穀精華。則胃土大虛。中無砥柱。俾厥陰風木之威。橫冲震蕩。一如釋典混沌劫於地水。大風卒來莫禦矣。當此醫藥全以護陽固陰。但血舍耗涸。剛猛及滋膩。總在難施之例。無服理病存體爲要。

人參

五錢

熟附子

錢一

川桂枝木

錢一

炮薑炭

錢一

炙黑甘草

五分

茯苓

三錢

沈

此產後陰虛瘧疾。鼻煤喉燥舌乾。尻痞不飢。大便窒

塞不通。乃陽明津枯。不上供肺。下少滋腸。風陽游行。面腫耳聾。仲景謂陰氣先絕。陽氣獨發。後人以飲食消息。取義甘寒。則知辛溫逐瘀之謬。

人參

炒麥冬

棗仁

烏梅肉

蜜水炒黃知母

又酸味泄肝。胃氣乃降。大便通後。汗大出。心中刺痛。皆管液內耗。陽氣衝突。仲景三病之鬱。胃見端矣。雖痰吐咯。無苦燥耗氣之理。

人參

阿膠

生地

麥冬

生白芍

炙草

張 產後鬱冒汗出潮熱腹痛。

炒生地

炒山查

丹參

茯神

浮小麥

黑檀豆皮

敗血人
經絡爲

吳 產後十二朝先寒戰後發熱少腹疔痛腹膨滿下部

腰肢不能轉側伸縮小溲澇少而痛此敗血流入經絡
延及變爲瘍症議用交加散。

小生地

生薑

軍前

牛膝

五靈脂

炒查肉

調入琥珀末一錢

又 十六朝諸症稍減每黃昏戌亥時衝氣自下而上至
胸中卽脹悶肢冷汗出右腹板實此厥陰肝臟因鬱氣

逆今惡露未清。重鎮酸軟。均爲暫忌。擬和血調血爲穩。

歸鬚

炒桃仁

延胡

炒查肉

官桂

香附

川棟

小茴

又 人參

當歸

白芍

炙草

茯神

香附

桂心

廣皮

營絡虛
寒惡露
未清

程

脈濡惡露紫黑。痛處緊按稍緩。此屬絡虛。治在衝任。

以辛甘理陽。

炒歸身

炒白芍

肉桂

茯苓

小茴

杜仲

又 脈濡空大營絡虛冷。

人參

炒歸身

炒白芍

茯神

炙草

桂心

又當歸羊肉湯加茯苓茴香

陰虛
陽動

許產後陰虛肝風動灼痰乾喘咳晚則頭暈

阿膠

細生地

天冬

茯神

小麥

川斛

程坐蓐過勞肝風揚氣動面浮氣短腹膨惡露未清不

可膩滯須防痙厥

小生地

丹參

澤蘭

茯神

黑檀豆皮

琥珀末

又血分既虧。濕陽動泄。汗出心悸。此辛氣走泄。須臾所慮。瘕厥如已見端。議靜藥和陽意。

阿膠

雞子黃

細生地

生牡蠣

丹參

茯神

某產後下焦陰虧。奇脈不固。陽浮乃升。風動則殄。泄嘔雜液。損必消渴。骨熱治在肝腎。靜藥固攝。

熟地

湖蓮

炙草

五味

芡實

山藥

旱蓮

女貞

陰虛陽
子汗泄

某新產後陰分大虛。汗出胸痞。潮熱陽浮。衛不固。雖痰多咳。蟬息用若。十表散。久延。唇勞耳。

血虛寒滯

氣血滯
凝滯

炒生地

炒麥冬

生扁豆

炙草

金石斛

丹參

茯神

甘蔗漿

某

產後身痛少腹滿

查肉

川芎

醋炒

延胡

醋炒

澤蘭

丹皮

艾葉

小茴

香附

醋炒

茯苓

益母膏丸

又

當歸

桂心

茴香

香附

紫石英

茯苓

羊肉膠丸

採

產難傷力驚恐面微浮腹膨小便不爽

炒黑查肉

大黑豆皮

大腹皮絨

生香附

茯苓

澤瀉

白花益母草煎湯代水

金 腹脹氣滯久瀉產後五日

於朮

厚朴

茯苓

澤瀉

南山查

延胡

凌

一歲四氣之交夏季發泄爲甚凡夏至一陰初復未

及充盈恰當產期爲陰氣未充先泄暑熱乘隙內侵正如內經最虛之處便是容邪之處矣產科未明此旨徒曉產後遂成藥苦辛破血津液愈劫所伏暑熱無由可驅六氣容邪內迫臟腑漸漸昏蒙內閉攻熱害正養正邪留藥難立方調治幼讀仲景揣摩聖誨惟有陰可以除熱况乎暑必傷氣人參非益氣之聖藥乎大隊陰

藥佐以人參。誠爲陰分益氣之法。服之熱癘壘壘而起。惡露緩緩而下。扶正却邪。竝行不悖。今穀食已安。諒無反覆。難成易虧之陰。須安養可望圖功。倘加情志感觸。輕則奇損帶淋。重則髓枯。葶損。莫道贈言之不詳也。

雄烏骨雞

一隻

人參

二兩 秋石并

鮮生地

三兩

柏子仁

一兩

天冬

一兩 牛

麥冬

二兩

阿膠

二兩

蓮蓮肉

三兩

茯神

二兩

熬膏

項

初病舌赤神煩。產後陰虧。暑熱易深入。此亟清營熱。

所謂瘦人慮虛其陰。

竹葉

細生地

銀花

麥冬

玄參

連翹

張 產後十三朝舌黃遺赤口渴脛中緊悶不食不飲不
大便此陰分已虛熱入營中狀如瘧症大忌表散清利
議滋清管熱救其津液爲要

細生地

天冬

生鱉甲

丹皮

丹參

茯苓

又 產後血絡空虛暑邪客氣深入瘧乃間日而發嘔吐
胸滿口渴皆暑熱燥胃津液也此虛人夾雜時氣只宜
和解不可發汗厥補

青蒿梗

淡黃芩

丹皮

鬱金

陽虛欲
先

花粉

川貝

杏仁

橘紅

又 脈緩熱止病減之象。但舌色未淨大便未通。產後大
虛不敢推瀉。勿進葷膩。恐滯蒸化熱。蔬粥養胃。以滋清
潤。燥便通再議補虛。

生首烏

麻仁

麥冬

蜜水炒知母

蘇子

花粉

某 渴陰上逆。惡心不食。冷汗煩燥。最防暴脫。不可但執
惡露滯滿。而專瀉氣攻血也。

人參

乾薑

附子

澤瀉

冲入童便

某 脈無神。神倦欲昏。汗出。乃陽氣走泄。瀉利係陰氣不

守產後見症。是屬重虛。深恐節間暴脫。而寒熱胸痞腹

痛。豈遑論及標末。

人參

製附子

人尿

猪胆汁

產後
陰虛陽
浮發厥

某二
五 產後驟加驚恐。陽上脅胃爲厥。左肢麻不耳竅失聰。皆陽挾內風。混入清竅。以止賢下虛。鎮陽填陰。味厚質

靜之藥。

熟地

龜甲心

天冬

萸肉

五味

磁石

茯神

黑殼建蓮

某 產後去血過多。陰虛陽實。頭中眩暈。汗出肉瞤。驚畏身熱等症。最易昏厥。苦辛氣味宜忌。

衛任虛
氣上逆
脘痛脹

生地

小麥

炙黑甘草

麥冬

阿膠

茯苓

生左牡蠣

顧三
產後真陰不復，腸越風動，四肢麻木，先厥後熱。

熟地

阿膠

炒杞子

生白芍

茯苓

菊花炭

徐

少腹衝及心下，脘中痛而脹滿，若云肝氣犯胃，必有

嘔逆，前法益陰和陽不應，顯是產後下虛，厥氣上攻，議

用柔陽之藥。

炒歸身

茯苓

炒枸杞

柏子仁

小茴

茯苓

又衝逆震動而痛。是產後衝任空乏。按定痛減。尤爲虛象。緣胃弱減穀。未便湯劑之多。防胃劍耳。

當歸

菴蓉

紫石英

茯苓

河車

鹿角霜

又衝脈逆。則諸脈皆動。天朗晴和少安。由陰分虛及陽分可徵。前法包舉大氣溫養。佐通是爲絡方。日來春升。畧有衄血。然無清寒可投。加鹹味佐其入陰。從產後下焦先傷耳。原方減鹿霜歸身。亦恐升陽也。加枸杞桂圓。以痛在左。故養肝是議。

陰虛風
鼻動

虞二背寒。心熱。天明汗出。乃涼。產後兩三月若此。此屬下

焦真陰已虧漸擾陽位二氣交乘並非客症頭暈耳鳴

心悸寒熱後必瀉內風震動當與靜藥

六月二十日

人參

炙草

白芍

麥冬

炒生地

炒烏梅

又前法酸甘益陰和陽諸病皆減然此恙是產後下焦

百脉空乏謂之尊損填隙固髓爲正治緣穀食未加兀

膩恐妨胃口加餐可用丸藥

七月初三

人參

炙草

阿膠

生地

麥冬

又照前方加桂枝木茯苓南棗

八月初七

又產後都屬下焦先損百脉空隙時序夏秋天暖發泄

加病此扶陽益陰得效今諸症向愈寢食已安獨經水未至其衝任奇脉不振須臾陰充旺脉中得以游溢耳

熟地

水製

人參

阿膠

萸肉

遠志炭

山藥

茯神

建蓮

烏骨雞膏丸

九月初一

吳 坐厚過勞驚恐交迫真陰既傷經年不復目暗昏花
煩動熱升皆腎陰不得自充何以涵養肝木厥仆眩暈
陽挾肝風直土無制則當靜藥填陰佐酸以收攝

熟地

阿膠

五味

萸肉

北沙參

茯神

黑檜豆皮

秋石

二分

陽維病
寒熱

陳三 寒熱時作經歲不痊且產後病起陽維爲病明矣

下損及
奇經
虛

營絡虛
寒
腰痛
痛

歸桂枝湯

郭二產後下元陰分先傷而奇經入脈皆屬於下肝腎任
不固八脈賦失職司經旨謂陽維脈病苦寒熱陰維脈
病苦心痛下損及胃食物日減然產傷先傷真陰忌用
桂附之剛溫煦陰中之陽能入奇經者宜之

人參

鹿茸

紫石英

當歸

補骨脂

茯苓

陳四產後四月腰痛牽引少腹冷汗不食

當歸

羊肉

小茴

桂枝木

茯苓

紫石英

氣血寒
滯結

沈

產後動怒氣血皆逆痛嘔不卧悅不能仰而冷肢冷
口鼻氣寒痛必自下衝上此屬疝瘕厥痛

淡吳萸

韭白

兩頭尖

川棟子

桂枝木

茯苓

吳

六

產後百日內右脇下少腹痛堅膨絡空無血氣乘於
中有結聚癥瘕之累延及變成脹滿經水不轉成大病
矣。

矣。

當歸

桂心

生桃仁

牛膝

山查

炒黑小茴

陸

產後邪深入陰氣血膠結遂有瘕疝之形身體偃僵

乃奇脈網維不用。充形通絡可效。做仲景當歸羊肉湯意。

歸身

菴蓉

杞子

小茴

茯苓

紫石英

羊肉膠丸

某

產後胞損。溺淋筋脈牽掣。治當攝下。

桑螵蛸

生沙苑

萸肉炭

炒黃柏

茯神

骨蒸兼虛

馮四

產後兩月。汗出身痛。

歸芪建中湯

余產後不復。心悸欲嘔。遇寒腹痛。先議進和營衛。繼當

補攝。

歸桂枝湯加茯苓

陽虛胃痛血格

吳三

胃痛三月不止。如素面黃。產後吞酸。少食。中焦陽虛。

病帶

豈宜再加攻泄。與辛補血絡方。

桃仁

歸鬚

公丁香皮

川桂枝

半夏

茯苓

陰損及
陽肝風
北劑

某

產虛。下焦起病。久則延胃。不飢不食。乃陰損及陽。腸

明脉空。厥陰風動。掀旋而頭痛而浮。肢冷指麻。皆亡血

家見象

人參 一錢

杞子 炒焦 三錢

歸身 一錢

牛膝 鹽水炒 一錢

巴戟天 錢一

浙江黃甘菊花炭 五分

茯苓 牛 一錢

方丸

人參 二兩 另研

茯苓 一兩 蒸

萸肉 二兩 炒焦

五味 牛 一兩

杞子 二兩 炒

桑螵蛸殼 鹽水煮 一兩

生白龍骨 一兩

高麗白芍藥

卷九 經後

聖

浙江黃菊花

一兩 炙炭

蜜丸早服四錢開水送

得虛下

楊三

自幼作勞，即患頭眩，加之刮症，一月之內，必發數次。

前歲產後，體甚不健，右耳日夜响鳴，即頭眩，神色衰

奪，唇黃舌白，帶下，手冷，脚腫，脈右大，是陽明空氣泄不

固，煖下溫中主之。

人參 二兩

桑螵蛸 三兩 製

鹿角霜 一兩 半

淡從蓉 一兩 半

炒杞子 二兩

柏子霜 一兩 半

茯苓 一兩 半

紫石英 一兩 半 醋煨飛

白龍骨 一兩 半

紅棗四兩，斬艾五錢，水煮搗丸，服四錢。

其胃痛欲嘔，肢冷，痛引腰背，產後病發更甚。

當歸

炒沙苑

炒黑杞子

炒黑小茴

鹿角霜

生精羊肉煎服

方丸

人參

鹿茸

生杜仲

炒杞子

當歸

鹿角霜

茯苓

沙苑

小茴

羊腰子蒸熟搗丸

陰虛陽
浮瀉瀉

鄒三

陽不入陰。不寐汗出。產傷陰先受損。繼而損至奇。總

前主溫養柔補。謂陰傷不受桂附剛猛。閱開列病情。全
是陰虛陽浮。漏經幾一月。尤爲急治。夜進局方震靈丹
五十粒。則方複入涼肝。益陰配陽。是兩固法則。

人參

麋茸

枸杞

天冬

茯神

沙苑

奇脉虛
淋帶

某 產後淋帶都是衝任奇脉內怯最有崩漏勞損淹經
之慮。但固補實下須通奇經者宜之

桑螵蛸

人參

茯苓

生杜仲

沙苑

芡實

湖蓮

陳

產後百脉空隙腰脊痛漏淋

桑螵蛸

鹿角霜

龍骨

淡菴蓉

炒杞子

沙苑

茯苓

吳

閱病原產後陰虛液虧加以平時嗔怒陽氣暴升絡

血不寧奇空衝石少貯帶淋脂泄等症

阿膠

天冬

當歸

白芍

淡黃芩

青蒿膏 女貞子 茯苓 烏骨雞 炙 蜜丸

趙 蓐損八脉。經水不來。帶下頻頻。頗多。產後下焦先虛。繼及中宮。乃血液脂膏之涸。桂附熱燥。更助劫燬。此溫藥是溫養之義。非溫熱之謂。

人參 河車 麋茸 鹿角霜

歸身 茯苓 紫石英

虛寒形 楊 瘕泄起於產後。三年方愈。下損已極。經水幾月一至。來必衰頹如病。奇經衝任交空。下焦畏冷。食冷則瀉。心中疼熱。煖下溫經主之。

人參 鹿角霜 炒兔絲 生杜仲 炒杞子

中虛

熟白朮 淡骨脂 茯苓 蒸餅丸

金三經後即背寒不熱逾月不愈嗽痰有血自秋令產辱

屢屢若傷風咳嗽正月至穀減思產後不復是下虛形

寒減食先調脾胃即和營衛法 人參建中湯

梓在虛寒

某 易飢易怒腹滯氣墜知飢不進食自胎前至今兩月

不愈並非客邪用固攝升陽

鹿茸 鹿角霜 熟地炭 當歸

桂枝 五味 茯苓

某 產後十年有餘病發必頭垂脊痛椎尻氣墜心痛冷

汗此督任氣乖踏維皆不用是五液全涸草木藥餌總

屬無情。不能治精血之憊。故無效。當以血肉充養。取其
通補奇經。

鹿茸 鹿角霜 鹿角膠 當歸 茯苓

杞子 柏子仁 沙苑 生杜仲 川斷

湯虛損
服

潘 胎前水溢浮腫。喘滿不得卧。余用開太陽膀胱獲效。
) 既產浮腫自然漸退。女科不明產後下虛。端以破氣寬
脹。百日來腹大且滿。按之則痛。此皆氣散瀰漫。丸藥又
補瀆守中。益助其鈍。氣血凝滯。經候不來。爲難治之病。
議腎氣湯。煨藥成炭。取其氣之通。勿令味濁。兼調琥珀
末以調其血。瀆做古法中之所有。非杜撰也。

桂七味加車前牛膝炒炭水洗煎臨服調入琥珀末
徐^三六產後九年心中脹甚則瀉甚肌浮足腫食減過牛凡
脹必有喘產後先傷在下用薛氏濟生丸三錢十服
某產後血去過多下焦衝任空虛跗腫腹膨形寒面黃
脉濡常用温養

鹿角霜

錢三

補骨脂

錢一

紫石英

錢三

茯苓

錢三

桂心

四分

炒黑小茴

七分

方^三脉沉濡產虛寒入痛脹腹鳴晨泄病人述心痛嘔逆
其實治下爲是

熟附子

胡盧巴

良薑

炒黑茴香

茯苓

廣木香

朱^四六脉微弱。形無華色。據說病起產後。食減吐瀉。是下焦不復。中焦又傷。漸加浮腫脹滿。條甚忽平。皆下焦厥逆。上衝也。下虛於產後。剛劑難以耑任。是病之不易取效者在此。

淡從蓉

炒黑杞子 當歸

小茴

茯苓

沙苑

又

濟生腎氣丸

一兩二錢

某

^四

產後未滿百日。胸脇骨節收引。四肢肌肉麻木。浮腫

^五腹脹。早輕夜重。食減畏寒便澹。脉得右遲左弦。先與理

中健陽驅濁

人參

炮薑

淡附子

焦白朮

枳實

茯苓

范 病脹起於產後。下焦先傷。濁陰犯中。不可以脹滿爲實症。夫膈陽不通。腎氣散漫。吸氣不入。息音如喘。此身動便喘。非外客之邪干肺。春牛溫氣外侵。面腫頸項結核。曾以夏枯菊葉辛解得效。乃一時暴邪治法。至於本病之腹滿洞泄附腫。未經調理。且脹勢侵晨。至午頗減。日暮黃昏。脹形漸甚。中焦陽微。已見一斑。愚見脹滿在中。而病根在下。仲景於產後失調。都從下虛起見。閱女

科湯藥一方殊屬不解思平居咽乾喉痺牙宣肝腎真陰下虧不敢剛藥宣通。倣薛氏腎氣法減泄肝如牛膝肉桂之辛不致劫陰仍可通陽爲法。

六味去萸加芍藥附子牡蠣炒炭煎

又小滿節古云痛隨利減今便利仍痛非是實症肝失調暢當理用以益水母不取芍藥之和陰加當歸小茴香拌炒焦黑以通肝臟脉絡之陽又辛散益腎也。照前方去芍加茴香拌炒當歸

某產後腫脹不愈顯係下虛肝腎氣不收攝形寒痞悶食少痰多脉細肉消治從陰分非分和攻消者

濕熱腫脹

濟生腎氣丸沉香汁沖開水送 接服金匱腎氣丸

王 脹滿六年產後小愈今脹勢復甚兼脫肛淋症大腿

熱如滾水滾滌食入臍中作痛議治其腑

小温中丸 三錢 六服

傅 風勝爲腫濕甚生熱乃經脉爲病但產後百日精神

未復不可過劫

羚羊角 木防己 片薑黃 川桂枝

大杏仁 苡仁

方 產後腹大半年不愈近日有形衝突腸如刀攪據述

坐蓐艱產血去盈斗而腹形卽已脹滿想八脉不用腎

奇脉虛 腎氣不 凝腫脹

風濕

氣散越不收非瘀血積氣爲病議用大千方烏雞煎丸

烏骨雞

人參

蒼朮

附子

烏藥

肉桂

陳皮

草果

紅花

海桐皮

黃芪

白朮

蓬朮

川烏

延胡

白芍

木香

肉果

琥珀

丹皮

卽以雞搨去毛頭嘴爪腸雜將藥放雞肚內貯砂鍋
中以好酒一斗同煮令乾去雞骨以油單盛焙令乾
爲末蜜丸

范

衝任傷督帶損皆由產時勞怖理難復元固攝下真

兼理奇脈治非背謬但履滿膨痛若徒固補不以通調

恐滋脹腫。大意陽宜通陰宜固。包舉形骸和養脈絡。乃正治方法。病樣多端。紛紜難治。難以立方矣。

人參

鮮河車膠

淡從蓉

砂仁製熟地

鹿角霜

歸身

茯苓

紫石英

小茴香

羊腰子

氣清脈
痞脹

某

產後下虛。血病爲多。今腕中痞脹。減食不適。全是氣

分之恙。但調氣寬中。勿動下焦爲穩。

香附

神麩

蘇梗

白蔻仁

茯苓

桔梗

下焦脈
痞脹

朱

十產後冬月。右腿冷腫。按之自冷。若論敗血。半年已成。

瘰癧針刺泄氣其痛反加此乃衝任先虛腐維脈不爲用溫養下元須通絡脈然取效甚遲恪守可望却病

菴蓉

鹿角霜

當歸

肉桂

小茴

牛膝

茯苓

鹿角膠溶酒蜜丸

肝腎虛
乘痰飲

某

產後必病陰虛可知兩足跗中筋掣疼痛不耐走趨

當溫養肝腎以壯筋骨但食後腕中痞阻按之漉漉有聲手麻脇痛心煩耳目昏眩宛是陽氣不主流行痰飲內聚之象處方難以兼攝議用分治法

中焦藥日中服

桂苓六君子竹瀝薑汁法丸

下焦藥侵晨服從四斤丸金剛丸參瑪

本草綱目卷之九

菴蓉

牛膝

虎骨

生杜仲粉

天麻

木瓜

葶藶

蜜丸

桑陽肺
氣木氣
痺阻

程

脈沉喘咳浮腫鼻竅黑唇舌赤渴飲則脹急大便解

而不爽此秋風燥化上傷肺氣氣壅不降水穀湯飲之

濕痺阻經隧最多坐不得卧之處法宜開通太陽之裏

用仲景越婢小青龍合方若畏產後久虛以補溫暖斯

客氣散漫三焦皆累閉塞告危矣

桂枝木

杏仁

生白芍

石膏

茯苓

炙草

乾薑

五味

痰飲阻
氣不寐

陳三夏季坐蓐秋月熱病半年來不寐不便無皮毛焦落

之象

之象是痰飲爲氣所阻以致升降失常乃痺之基也議

宣肺以通腸

紫苑

八錢

杏仁

三錢

枳殼

一錢

桔梗

一錢

瓜萸皮

一錢

鬱金

一錢

下虛飲
濁上逆

陸

背寒夜臥氣衝欲坐乃下元虛乏厥濁飲邪皆令上

泛胎前僅僅支撐產後變症蜂起奈何庸庸者流泄肺
翼其嗽緩宜乎藥增病勢矣

桂枝

茯苓

炙草

五味

淡乾薑

許

實喘屬肺虛喘屬腎產後下虛最多痰飲易於上泛

喘嗽食減有浮腫脹滿不得卧之憂不可小視

茯苓

生白芍

乾薑

五味

溫客
節飲邪

王 產後未復。風溫入肺。舌白面腫。喘咳。泄瀉。小水漸少。

必加腫滿。不易治之症。

上逆

蘆根

苡仁

通草

大豆黃卷

又 淡滲通泄氣分。肺壅得開而臥。再宗前議。

通草

蘆根

苡仁

大豆黃卷

木防已

茯苓

又 過投絕產。凝寒重藥。致濕聚阻痰。兩投通泄氣分已

效。再用煖胃滌飲法。

半夏

薑汁

黍米

茯苓

濕濁踞
膈肺不
肅降

又支飲未盡，漉瀉不渴，神氣已虛，用澤朮湯。

生於朮 建澤瀉 茯苓 苡仁

某脉小左弦，咳逆腕悶，小便不利，大便漉瀉，不思納穀，噯氣臭穢，此皆胎前氣上逆沖，濁得盤踞膈間，肺失清肅，降令上竅痺，致下竅不利，湯食聚濕氣，不宣行，怕延出浮腫腹滿，喘急不卧，諸欸不獨以產後通瘀爲事。

鬱金汁 杏仁 通草 桔梗

茯苓皮 苡仁

營傷上
焦氣分

沈產後未復，加以暑熱上干，暑必傷氣，上焦先受，頭脹微微嘔惡，腕悶不曉，飢飽暮熱早涼，汗泄不已，經水連

至熱迫血絡妄動。蓋陰虛是本病。而暑熱係客氣。清上勿得礙下。便是理邪。勿混亂首鼠。致延葺損不復矣。

捲心竹葉

生地

炒川貝

蓮翹心

玄參

地骨皮

不火盛
心營熱

衰

神識不甚靈慧。陡然狂亂入井。夫暴病痰火風爲多。

今診視色脉。產後未滿百日。多驚怕。五味皆變。厥陰肝木順乘陽明。古稱一陰一陽變亂爲癇。先以清心胞解營熱。食進便通。再酌調理。

犀角

生地

菖蒲

玄參心

羚羊角

鬱金

竹葉心

蓮翹心

又復脈湯去參薑桂

某五產後不復元。仍自乳擲育。損不能復。卽是厚勞速速。斷乳藥力可扶。凡產必下焦先損。必以形質血氣之屬。莫以心熱再用寒涼伐其生氣。

人參

當歸

沙苑

杜仲

補骨脂

茯苓

羊內腎二枚

沈時熱屬上焦病。逾時自解。緣體質素薄。長夏坐蓐。不但肝腎陰傷。諸氣皆爲發泄。陰不主戀陽。衝脈上冲。而心熱骨疼。總是陰虧不肯復元。久久延成損症。此與清潤治肺之咳無預。法宜填補下焦。攝之固之。迎養秋收。

冬藏胃納有加。庶乎漸安。

鮮紫河車

人參

真秋石

茯神

水煮熟地

歸身

五味

芡實

山藥

生羯羊肉膠共河車膠二共和丸

姚二面少華色。脉似數。按之乳瀼。產後二年。從未經來。腹中有形。升逆則痛。肩背映脇卒痛難忍。咳吐都是涎沫。着枕氣衝欲坐。食減便溏。身動語言喘急。此乃葶勞損極不復。諒非草木可以圖倖。由下焦元海少振。驚恐餒弱。衝脉動。斯諸脉交動。擬益元氣。充形骸。佐重鎮。以理怯。護持體質之義。非治病方藥矣。

人參

杞子

白龍骨

茯苓

紫石英

羊肉

鄒二產後成勞損。先傷下焦血分。寒熱數發不止。奇經八脈俱傷。欲嘔不飢。肝腎及胃。有形凝痰。議柔劑溫通補下。

人參

當歸

小茴香
并炒

茯苓

沙苑

淡菴蓉

杞子

鹿角霜

生紫石英

汪產後百日。寒熱消渴。心痛惡食。溇瀉。此尊勞液竭。已屬沉痾難治。擬酸甘化陰扶胃。望其小安而已。

人參

烏梅

炙草

赤石脂

木瓜

茯神

炒粳米

張八產後下虛厥氣上衝犯胃食入嘔脹脉絡日空營衛
兩怯寒熱汗泄澹澹爲羸勞之病最難調治

淡吳萸

七分

桂枝

五分

茯苓

三錢

炮薑

八分

炒木瓜

錢一

南棗

黃 產後陡然驚恐陰虧厥陽上逆血湧吐痰胸背脇俞
大痛乃八脉空乏之徵羸勞重症延綿最難全好議鎮
固一法

熟地炭

炒杞子

五味

紫石英

茯神

牛膝炭

又 脉少欬痛止血緩仍用鎮納

熟地

炒杞子

五味

女貞子

交實

茯神

又

眩暈腹鳴脫痛

熟地

炒杞子

五味

茯神

阿膠

萸肉

菊花炭

北沙參

又

烏骨雞

阿膠

熟地

杞子

五味

桂圓

茯神

建蓮

熬膏人參湯送

又

小產三日脉數頭痛脫痞小腹墜痛欲厥此屬鬱冒

連翹

鬱金汁

丹皮

鉤藤

小產
鬱冒

營血虛
易升

胃陽虛
肝風動
嘔吐欲
脫

茯苓

炒山查

益母草湯煎

某二小產後惡露淋漓營血內虧厥陽由是鼓動頭脹耳鳴心中洞然病在下焦矣

枸杞子

三錢

柏子仁

三錢

全當歸

一錢

白芍

一錢

稽豆皮

三錢

茯神

三錢

朱

脈小半產一口舌白頻頻嘔吐青綠水汁涎沫左肢

浮腫神迷如寐此胃陽大虛肝風內泛欲脫之象急急

護陽安胃冀得嘔緩再商治病

人參

淡附子

炒焦粳米

煨老薑

又雖得小效必三陰三陽一周共過七日庶有愈理

人參

淡射干

熟於木

炮薑

茯苓

南棗

陰虛陽
胃成痼
病

某

小產不及一月，忽有厥逆痰湖。此陰分既虛，厥陽上

冒，今二便已通，神志似屬憤散。病雖已成癰痼，却非痰
火有餘，肝腎位遠，治宜鎮補。擬陳無擇琥珀散。

人參

白芍

鐵落

辰砂

磁石

遠志

菖蒲

牛黃

琥珀

奇厥陽
虛不升
固

孔

形畏寒，瘕瘕，忽然轟熱，腰膝墜脹，帶下汗出，由半產

下焦之損，致八脈失其擁護，少腹不和，通攝脈絡治之。

鹿角霜

炒當歸

杜仲

兔絲子

奇脉虛
淋帶

小茴香

杜枝

陳 懷妊三月小產半年不復寒從背起熱起心胸經水
後期不爽帶下脉脉不斷脊脊腰體痠墜酸疼膝骨附
膈易冷無力由衝任督帶傷損致陰陽雜躡不用調治
非法有終身不肯孕育之累

鹿角霜

炒枸杞

當歸

炒沙苑

桂枝

小茴

下虛上
艾風溫

顧 上年小產下虛不復冬令藏聚未固春夏陽升風溫

乘虛上受清竅不利耳失聰鼻多塞咽燥痰稠悉見上
焦不清究竟下虛是本病議食後用清竅早上斤鎮納

陽氣虛
久瀉

青菊葉

錢三

羚羊角

錢一

黑梔皮

錢一

連翹心

錢一

玄參心

錢二

苦丁茶

錢一

磁石六味加龜膠北味

程

久瀉延虛痛後而瀉氣弱不可運行病因小產而來

法當中下兩調

人參

炒菟絲子

木香

茯苓

炒白芍

炒補骨脂

汪 小產後氣衝結瘕是奇經八脈損傷醫謂病尙有形

愈從瘀血施治。半年來肌肉大消。內熱咯痰帶血。食過

脫下。輒云腹痛。蓋產後下焦真陰大虧。攻瘀清熱氣味

苦辛。是重虛其虛。藥先入胃。既不中病。先戕胃口。致令

厚勞

飲食廢矣。陰虛生熱。經調灼然。祇以胃口傷殘。難與滋
膩之藥。此症延成痔勢。必得飲食漸和。方有調病之理。
見病治病。貽害豈可再循前轍。議肝胃兩和的方法。

炒黑杞子三錢 雲茯神一錢 柏子仁三錢 生沙苑一錢

焦當歸一錢 小茴七分同當歸合炒 紫石英五錢先煎

某 三次兩月胎漏而下。是厥陰失養。脈數右大。腹痛惡

露未盡

柏子仁 炒查肉 丹皮 澤蘭葉

細生地 調入琥珀末

倪 小產半月。頗安。忽然腹大痛。或攢膝跣足底。或引

產後血

產後血

脇肋肩脚甚至湯飲藥餌嘔吐無存。娠去液傷絡空厥。動者賢謂按之痛緩屬虛。勿道諸痛爲實。

炙甘草

淮小麥

南棗

阿膠

細生地

生白芍

又 往常經候不調。乃癥瘕爲痛。葱白丸

金匱要畧云。新產婦人有三病。一者病瘕。二者病鬱。胃三者大便難。新產血虛。多汗出。善中風。故令病瘕。亡血復汗。寒多。故令鬱。胃亡津液。胃燥。故大便難。心典云。血虛汗出。筋脉失養。風入而益其勁。此筋病也。亡陰血虛。陽氣逆厥。而寒復鬱之。則頭眩而目昏。此

神病也。胃藏津液。而滲灌諸陽。亡津液。胃燥。則大腸失其潤。而大便難。此液病也。三者不同。其爲亡血傷津。則一。故皆爲產後所有之病。卽此推之。凡產後血虛諸症。可心領而神會矣。張璐玉云。產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛者。急用熱童便。主之。或血下多而暈。或神昏煩亂者。芍歸湯。加入參澤蘭童便。兼補而散之。又敗血上衝。有三。或歌舞談笑。或怒罵坐臥。甚則踰牆上屋。此敗血衝心多死。用花蓋石散。或琥珀黑龍丹。如難悶亂。不致顛狂者。失笑散。加壽金。若飽悶嘔惡。

腹滿脹痛者。此敗血衝胃。五積散或平胃加姜桂。不
應送來復丹。嘔逆腹脹。血化爲水者。金匱下瘀血湯。
若面赤嘔逆欲死。或喘急者。此敗血衝肺。人參蘇木。
甚則加芒硝蕩滌之。大抵衝心者十難救一。衝胃者
五死五生。衝肺者十全一二。又產後口鼻起黑色。而
鼻衄者。是胃氣虛敗。而血滯也。急用人參蘇木。稍遲
不救。丹溪云。產後當大補氣血。卽有雜症。以未治之。
一切病。多是血虛。皆不可發表。景岳云。產後既有表
邪。不得不解。既有火邪。不得不清。既有內傷。停滯。不
得不開通消導。不可偏執。如產後外感風寒。頭痛身

熱便實中滿脉緊數洪大有力。此表邪實症也。又火盛者必熱渴躁煩。或便結腹脹。口鼻舌焦黑。酷喜冷飲。跟胛尿痛溺赤。脉洪滑。此內熱實症也。又或因產過食致停蓄不散。此內傷實症也。又或鬱怒動肝。胸脇脹痛。大便不利。脉弦滑。此氣逆實症也。又或惡露未盡瘀血上冲。心腹脹滿疼痛拒按。大便難。小便利。此血逆實症也。遇此等實症。若用大補。是養虎爲患。誤矣。以上四家之論。俱屬產後治病扼要處。學者當細心體察。再參觀葉先生醫案。更能博考羣書。以治產後諸病。易如反掌矣。否則如眛能視。不足以有明。

也如或能履不能山與行也烏得稱司命哉。秦天
婦人善病而病由產後者爲更多亦爲更劇。產後氣
血大虧內而七情外而六氣稍有感觸卽足致病。使
治之失宜爲患莫測。朱丹溪曰產後以大補氣血爲
主。雖有他症以末治之。此語固爲產後症之宗旨。而
症實多端論其常未盡其變也。醫者惟辨乎脈候以
明內外之因。審乎陰陽以別虛實之異。病根透徹而
施治自效。慎毋以逐瘀爲了事。亦毋以溫補爲守經。
今觀先生案中凡內因之實症未嘗不用攻治之劑。
然如熱熾昏亂有似惡露沖心者先生則曰陰氣下

泄陽氣上冒從亡陽汗出譫語例爲救逆法如少腹
中及心脘痛而脹滿有似肝氣犯胃者先生則曰產
後下虛厥氣上攻惟用柔陽之藥如頭痛汗出煩渴
有似感冒風寒者先生則口開泄則傷陽辛熱則傷
陰從仲景新產鬱冒之治以立方至於奇經八脈爲
產後第一要領蓋八脈麗於下產後陰分一傷而八
脈自失所司溫補鎮攝在所必先無奈世人罕知卽
有一二講論者終屬影影模糊惟先生於奇經之法
條分縷析盡得其精微如衝脈爲病用紫石英以爲
鎮逆任脈爲病用龜板以爲靜攝督脈爲病用鹿角

以爲溫胸帶脈爲病。用當歸以爲宣補。凡用奇經之藥。無不如芥投針。若夫外因爲病者。風溫入肺。用葶藶湯。甘寒淡滲。以通肺氣。遇寒腹痛。用當歸桂枝湯。辛甘化陽。以和營衛。暑氣上干。則陰虛是本。病暑熱是客氣。清上勿致礙下。便是理邪。如濕傷脾陽而飲邪阻氣。用苦溫淡滲之品。澤木湯治之。熱蒸化燥而胃阻腸痺。用首烏麻仁麥冬花粉清滋潤燥之劑。治之。熱乘陰虛而入營中。則忌表散清劑。惟有陰可以除熱。更如邪入營絡而成瘧症。不得發汗。膩補當以輕清和解爲主要之先生於內因之症。一尋源探

本非同俗手漫謂補虛於外因之端。種種審變達權。不以產後自爲荊棘。惟讀書多而胸具靈機。故於丹溪本末二字。尤爲神化無迹。此所謂知其要者。一言而終。不知其要者。流散無窮也。案中諸症甚多。學者果能悟焉。則一以貫之矣。冀商年

癥瘕

管絡氣
凝結瘕

張

久痛在絡管中之氣結聚成瘕始而夜發繼而晝夜俱痛陰陽兩傷偏閱醫藥未嘗說及絡病便難液涸香燥須忌

青葱管

新絳

當歸鬚

桃仁

生鹿角

柏子仁

朱

二六

辛潤通絡成形瘕濁吐出然瘕濁必下行爲順上瀉

雖安恐其復聚仍宜緩通以去瘕生新爲治無取沉降急攻謂怒勞多令人傷陽耳

當歸

桃仁

羌蔚子

製茯苓

生鹿角

茯苓

香附汁法丸

周三瘦聚結左肢節寒冷病在奇脈以辛香治絡

鹿角霜

桂枝木

當歸

小茴

茯苓

香附

葱白

翼 脈症向安辛甘化風方法非謬據云痛時少腹滿脹

其有少痢瘕狀亦畧小法宜益營之中再佐通泄其氣

古稱通則不痛耳

人參

當歸

肉桂

吳茱萸

小茴

茯苓

青葱管

欽 疝瘕少腹痛

當歸

生薑

羊肉

桂枝

小茴

茯苓

又 瘕痛已止當和營理虛

歸身

紫石英

白芍

酒炒

小茴

淡從蓉

肉桂

丸方用養營去芪朮桂合杞圓膏

朱四疝瘕腹痛有形用柔溫辛補

當歸

生薑

羊肉

某 右脇攻痛作脹應時而發是濁陰氣聚成瘕絡脈病

也。議溫通管絡。

當歸 三錢

小茴 炒焦 一錢

上肉桂 一錢

青蔥管 十寸

氣血凝
絡腕痛
經阻

瘕聚有形高突痛在胃腕心下。或垂芥腰少腹重按

既久痛勢稍定。經水後期色多黃白。此皆衝脈爲病。絡

虛則脹氣阻則痛。非辛香何以入絡。苦溫可以通降。

延胡

川棟

香附

鬱金

茯苓

降香汁

羌蔚子

炒山查

烏藥

又

瘕聚癥結痛脹妨食得食不下痛甚。今月經阻不至

帶淋甚多病由衝任脈絡擾及肝胃之逆亂。若不宣暢

徑通日久延爲盛疾矣。

炒桃仁 當歸鬚 延胡 川棟子 青皮

小茴 吳茱 紫降香 青葱管

柳四絡血不注衝脉。則經阻氣攻入絡。聚而為瘕。乃痛衝

脉是陽明屬隸。痛升於右腹及中腕。作嘔清涎濁沫。操

家煩怒犯胃。莫如肝泄肝正救胃。

金鈴子 炒延胡 蓬莪朮 青橘葉

半夏 厚朴 薑汁 茯苓

又 葱白丸二錢艾棗湯送

某 臍下痕形漸大。氣塞至心膈及咽喉。飲不解渴。遂氣

攻至背部。經水百餘日不來。小溲得利。大便不爽。氣滯

木火鬱
氣滯血
凝

血瘀皆因情志易鬱肝胆相火內灼衝脈之血欲涸丹

溪謂氣有餘便是火口甜食後痞用苦羊清降

胡黃連

八分

山梔仁

一分

南山查

三錢

蘆薈

一錢

雞肫皮

不落木片垢
炙臘五錢

化服回生丹牛丸

陸十
六經阻半年腹形漸大痛不拒按漫短便通據形色脈

象不是用通經丸者下氣還攻於絡有形若癥瘕炒枯

腎氣湯

繆
脈弦左搏數年胃痛不痊發時手不可按脇中拘急

少腹左傍素有癥聚之形氣自下焦衝起爲脹爲嘔此

乃驚憂嗔怒致動肝木乘其中土胃傷失降脈絡逆併

氣血凝
絡肝逆
胃痛嘔

腎氣不
織經阻
脈痛脹

痛勢爲甚。初起或理氣獲效。久發中衰。辛香氣燥脾胃。不勝剋伐矣。議疎肝木。安土爲法。冀其漸緩。再酌後法。

川棟子

川連

乾薑

桂枝

當歸

川椒

生白芍

烏梅

又

少腹疝瘕多年。衝起散漫。胃腕兩脇痛甚。欲嘔。年前用安胃泄肝頗效。但下焦至陰。足跗發癩裂水。久留濕熱。瘀留經脈絡中。交病若非宣通氣血。壅遏恐非至理。

桃仁

栝子仁

川芎

當歸

小茴

小香附

茯苓

山梔

薑汁
妙

爲末用青葱管百莖加水一杯取汁法丸

某五
十數年左脇聚痕。發作必嘔吐涎沫酸苦濁水。寤不成

寐。便閉。忽瀉。始於悒鬱。病由肝失暢達。木必傳土。胃氣
受侮。病久入絡。氣血兼有。緩圖爲宜。急攻必變脹病。

生牡蠣

川棟子肉

延胡

桃仁

半夏

茯苓

橘紅

白芥子

川連

吳萸

香附汁薑汁法丸

趙

脉小。身不發熱。非時氣也。凡經水之至。必由衝脉而

始下。此脉胃經所管。醫藥消導寒涼。不能中病。反傷胃

口。致衝脉上冲。犯胃爲嘔。攻胸痞塞。升巔則昏厥。經言

衝脉爲病。男子內疝。女子瘕聚。今小腹有形。兼有動氣。

肝逆犯
胃奇絡
虛滯

其病顯然夫曰結曰聚皆奇經中不可宣暢流通之義。醫不知絡脉治法所謂愈究愈窮矣。

鹿角霜

淡菴蓉

炒當歸

炒小茴

生杜仲

茯苓

用紫石英一兩煎湯煎藥

將四
天癸將止之年小腹厥陰部位起瘕動則滿腹脹痛
形堅或時脊巔掣痛必有穢痰血筋吐出此起於鬱傷
久則液枯氣結內風陽氣煩蒸則心熱痞結咽阻已屬
痼疾治必無效倘腹大中滿則劇矣

將四
天癸將止之年小腹厥陰部位起瘕動則滿腹脹痛
形堅或時脊巔掣痛必有穢痰血筋吐出此起於鬱傷
久則液枯氣結內風陽氣煩蒸則心熱痞結咽阻已屬
痼疾治必無效倘腹大中滿則劇矣

牡蠣

生地

阿膠

小胡麻

茯苓

稽豆皮

厥陰寒
滯嘔泄

沈四肢冷腹痛。有形爲瘕。久瀉。

當歸炒黑 小茴炒黑 上肉桂 山查炒黑 茯苓

又 冷利有瘕。遇冷則嘔。

吳萸 炒小茴 延胡 茯苓

川棟子 生香附

某 脘中瘕聚。

川棟子一錢 延胡一錢 吳萸五分 青皮七分

良薑一錢 茯苓二錢

林 脉左弦。瀉少腹。攻逆痛。卽大便。肝氣不疎。厥陰滯積。

香附一錢 雞肫皮炙一錢 茯苓一錢 麥芽一錢

肝鬱犯
胃

香櫟皮

八分

青皮

五分

炒香肉

錢二

砂仁殼

五分

又少腹痠聚攻逆身熱或噫或濁氣下泄則諸恙悉舒
惱怒病發厥陰肝木鬱遏不疎顯露一班

川棟子

錢一

小茴

五分

生牡蠣

錢三

桂枝木

五分

生白芍

錢一

青皮

錢一

程

聚氣疝瘕大便不爽必腹中疴痛富通腑經氣分

葱白九二錢五分紅棗湯送

又

做朱南陽意以濁攻濁

韭白根

去鬚五錢

兩頭尖

一百粒

炒香橘核

錢一

小茴香

七分

金鈴子肉

牛錢

三五

三五

又 瘕聚已解用八珍丸加香附小茴白花益母膏丸
某 瘕聚在左脇中肝病

桃仁

川棟子

延胡

當歸

橘紅

香附

服麩脾
善傷氣

王^四一 瘕聚季脇。漸加煩倦減食。入夏土旺氣泄。用泄少陽

補太陰方

人參

茯苓

炙草

當歸

丹皮

生地

鱉甲

澤蘭膏

挾氣窒
結

周 痛久在絡。凝聚成形。仍屬經病。議用河間法

川棟子

瓜蒌皮

香附汁

延胡

生牡蠣

又理氣豁痰，痛止思食，仍以前法參用。

半夏

瓜蒌皮

香附汁

生牡蠣

橘紅

香豉

葛

一用丹溪小溫中丸。脹利白減，知腸胃濕熱，皆阻腑腸

之流暢。水穀之氣不主游溢，瘕屬氣聚。瘕爲血結，由無形釀爲有形，攻堅過急，藥先入胃，徒致後天氣乏，恐脹病必至矣。俗有痞散成蟲之說，可爲治此病之戒律。

老韭根

生晒

一兩 桃仁

一兩 生香附

一兩

炒查肉

一兩

當歸鬚

一兩

山甲片

一兩

小茴香

三錢

桂枝木

三錢

胡二少腹聚瘕，能食便不爽，腹微脹，小溫中丸。

濕熱腹

臨證指南醫案

卷九

瘕瘕

美

寒熱食
乾血

王二初病寒熱半年經水不來少腹已有瘕形食又減半
當此年犯乾血勞慮

焦朮

茯苓

廣皮

香附

當歸

南山查

白芍

夫瘕者徵也。血食凝阻。有形可徵。一定而不移。瘕者
假也。臟氣結聚。無形成假。推之而可動。昔有七瘕八
瘕之說。終屬強分名目。不若有形無形之辨。爲明的
也。二症病在肝脾。而胃與八脈亦與有責。治之之法。
卽從諸經再究其氣血之偏勝。氣虛則補。以行氣。
氣滯則開鬱。以宣通。血衰則養營。以通路。血瘀則入

絡以攻痺。此治癥瘕之大畧。古方甚多。而葱白丸。烏雞煎丸。尤爲神效。癥瘕之外。更有疰瘕。腸覃。石瘕。內疝等症。古人論之已詳。茲不必贅。今參先生方案。如營傷氣阻者。於益營之中。佐通泄其氣。如絡虛則脹。氣阻則痛者。以辛香苦溫入絡通降。又如肝胃兩病者。以泄肝救胃。肝胃脾同病者。則扶土制木。肝臟之氣。獨鬱不宜者。辛香耑治於氣血痺絡逆失和者。辛香耑理其血病。由衝任擾及肝胃之逆亂者。仍從肝胃兩經主治。以疎降溫通。凡此悉靈機法眼。藥不妄投。總之治癥瘕之要。用攻法宜緩。宜曲。用補法。忌瀉。

忌呆上逆則想肝臟衝病之源頭下垂則究中氣陰
邪之衰旺吞酸吐水必兼剛藥液枯腸結當祖滋營
再辨脈象之神力形色之枯澤致病之因由則治法
自然無悞矣

夔商年

熱入血室

熱邪內陷
厥後傷
發瘧

沈氏

溫邪初發。經水卽至。寒熱耳聾。乾嘔煩渴。飲見症已屬熱入血室。前醫見咳嗽脈數。舌白爲溫邪在肺。用辛涼輕劑。而煩渴愈甚。拙見熱深。十三日不解。不獨氣分受病。况體質素虛。面色黯慘。恐其邪陷。瘧厥。三日前已經發瘧。五液暗耗。內風掀旋。豈得視爲極小之恙。議用玉女煎。兩清氣血。邪熱仍有救陰之能。

玉女煎加竹葉心。武火煎五分。

又脈數。色黯。舌上轉紅。寒熱消渴俱緩。前主兩清氣血。

伏邪已得效驗。大凡體質素虛。驅邪及牛。必兼護養元氣。仍佐清邪。腹痛便溏。和陰是急。

白芍

炙草

人參

炒麥冬

炒生地

又

脈右數左虛。臨晚微寒熱。復脈湯去薑桂。

蓄血

吳氏

熱病十七日。脈右長左沉。舌痿飲冷。心煩熱。神氣忽

清。忽亂。經來三日。患病血舍內之熱氣。乘空內陷。當以瘀熱在裏論病。但病已至危。從蓄血如狂例。

細生地

丹皮

製大黃

炒桃仁

澤蘭

人中白

攻熱入血室。金匱有五法。第一條。主小柴胡。因寒熱。

而用雖經水適斷急提少陽之邪勿令下陷爲最。第二條傷寒發熱經水適來已現晝明夜劇譫語見鬼恐人誤認陽明實病故有無犯胃氣及上二焦之戒。第三條中風寒熱經水適來七八日脉遲身凉胸脇滿如結胸狀譫語者顯無表症全露熱入血室之候自當急刺期門使人知針力比藥力尤捷。第四條陽明病下血譫語但頭汗出亦爲熱入血室亦刺期門汗出而愈仲景無非推廣其義教人當知通變。第五條明其一症而有別因爲害如痰潮上脘昏冒不知當先化其痰後除其熱等語所謂急者先除也乃今

人一遇是症。不辨熱入之輕重。血室之盈虧。遽與小柴胡湯。貽害必多。要之熱甚而血瘀者。與桃仁承氣。及山甲歸尾之屬。血含空而熱陷者。用犀角地黃湯。加丹參木通之屬。表邪未盡。而表症仍兼者。當合乎和解。熱輕而清藥過投。氣機致鈍者。不妨借溫通爲使。血結胸。有桂枝紅花湯。參入海蛤桃仁之治。昏狂甚。進牛黃膏。調入清氣化結之前。再觀案中。有兩解氣血燔蒸之玉女法。熱甚陰傷。有育陰養氣之復脈法。又有護陰滌熱之緩攻法。先聖後賢。其治總條。分縷析。學者審症製方。慎毋拘乎註胡一法也。邵新甫